

Kiteluo Awai Mama Ejai Yesu

Jeffersonville, Indiana, U.S.A.

63-1229E

1 Amen. Eyalama, George, Becky, ka Inac Ungren, ekere kebu Yesu." Egolokini Ngesi amuton, kosodi aisiarar Aica, ido iyalama oni kanuka ngun. Kwana, arai ngin apak nasodit Becky abolia kotoma okanisa kane, ekosio loibecokina kwangin, Kebu Yesu.

Aso iyalama oni ajaut ne, atibong na, ido iyalama noi kanu a...ajautukus ne nakajokan atupuruc na. Ido kwana atibong na, erai, kijaar eong akirot nakoto eong einer, kotoma adagikan adis; ido eroko ngun, kijaar eong alimonoreta adis nuebeit alimor, ka iboro.

Ido aororikit eong mot. Aomit eong bala erai ailamar naka einer. Abu eong alimonok adaun apak naepol. Konye kayangaik eong esawa lo ediopet arai iarei, atepun, ido neabongunio eong ne, erai naarai ebe ajai eong aikam ngun atepu kanuka akwap kere. Aso esiyalamikit eong yes kanu atitingikin isio atupuruc na.

2 Ido kwana ejaas iboro idis luakoto eong alimun kanepokane. Nges atemar, ebe, akoto eong-eong ailip ekanisa, ibore yenisodit, ibore yeneswamat eong-eong, ido akoto eong-eong ailip arai eong apedori aijulakin ngun, atibong na. Mam oni...e

Mam eong etolomununei aiyaposia nuka ekaru lokitetet. Aso eong...ebeit isio alosit ore, moi, aso mam isio ibuni ajaun ne kanuka ekar lokitetet, kanu...konye ibuni aaitunit yesi. Ido acamunit eong ebe ebuni airiamun ajaun ne, akuar naka ekaru lokitetet. Eebo, abeit ngin, aijaanakin naka asesin, kwape ejaununotor kesi duc kotoma akuar naka ekaru lokitetet. Ikoto ti isio alimun, konye mam ipedori abongun toma kotoma apak kanu-kanu ayangar idwe osomero. Ido ebeit akaberu ailot ikecegoen; ijenete yesi eipone loejaar.

3 Akoto eong aisiyalamikin nginidiopet kayesi kanuka ikusiboro lukajokak luapotu yesi kiswamaikisi isio kotoma obaga. Ido yesi angor nuapotu kolototo kuju ngina kosodete aibwaikin inyamata toma togo ka iboro kanukosi ebe nakidolio isio ngina, ajaas...adaunitai aipo iboro ido akapakinia kanu ainyamio. Abeit cut esiyalamikit eong yes kanuka ngun. Kisirereng Edeke yesi apaarasia kere.

Kosodi ekanisa, kanuka ebalauakec, ebe ti eong alot ngina kasodi-kasodi adumun igoen arai akoto eong ngul, kanuka esuuti. Einaanakinete kesi eong esuuti ngolikaru. Ido apotu ipaperoka ice adumakisi eong esuuti. Aso aomit eong, erai ejok, epuda eong ibore ice bala kwape isaatin ka isaatin luenapio toma, ka iboro, abuni eong akotokin ayangar isirigin toma ngun arai edolit ngin kama ejai ekanisa. Epuda eong ngin adepar kwape...aronoi adepar eipone loepudar eong esuuti, cut kotoma apak ngin.

4 Ido kwana, ekesa lo loabu koyeik oni ekosio, Onac George Smith, loelomunit kalaije ko Tucson, ilosenenei lem isio okanisakec kokuju ngina, loenyaraitai ebe New Testament Baptist Church. Erai papake ekalimonokinan. Aomit eong bala ajaatar ngesi ikanisan ikanykaarei kalaije ko Mexico. Ido abeit cut ejaas itunga luejokuka ngina. Ido papake ka totoke, ka ngul kere, eraas itunga lukajokak. Ido erai George atumunan lokajokan noi. Elipit eong atimio ebe mam nges abu koinak oni akirot naka ejanaanut eroko nges iboikino kwap, naka asianut naka aitajarario naka Kristo kotoma aijarake.

5 Ido kwana, Aisiranareta, abu eong esumunikite kane pac, ebe Aisiranareta, eroko eong eloto kinga toma airiamununeta, abuni ti ber eong ne kasodi akamakin ber kes atepun kasodi eong do eong aloist kinga. Erai kanuka aitodolikin atepun neejaas itunga. Akepolou abuni do eong ne kasodi aikamun Aisiraret, kosodi do alosit kinga kasodi alimonokin Ngin. Ebuni ti ngin ainakin itunga arereng, neejaas-neejaas luiswamaete atepun, aiswsamaun atepu, kasodete ayangar ngin kasio kwape kilosio. Kwana ajai eong akapanakin anyoun alosit toma okokoro lokapolon loka esapaali loka alimonokin, aso ekoto eong-eong apedor aswam ngun anyoun kwana alosit ngaren, itei ijo, ido itunganan yenitingit atepun ejaun nges alemun ngun kwape kilosio isio.

Ido aomit eong, ejaas ngun kere da, mam kereka kes ejaatar airiamun naka atepun? Arai bo, icebore arai bo yenice yenikamunit, icebore yenikamunit atepun osabiiti lo. Ejaas ace da, aomit eong ejai Onac Sothmann ne, ido ebwoikinit ngesi Onac Maguire. Mam eong ajeni arai ejai ngesi ne arai mam. Aomit eong bala ejai Onac Fred ne. Abala icetunganan ebe ajai ngesi ne. Ido ngesi...aomit eong bala ejaatar kesi airiamun osabiiti lo, aticepak akuar naka moi, arai acepaaan, nuikamunitos atepun. Kipou isio ajaas einer nuikamunitos ngun akuar kaya, kotoma aigola kangina. Aomit eong bala adol esawa kanuka icebore, tetere kes eyangarete kosodete aiswamaun ainapeta nuikamunitos ngin.

6 Aso, ameun kwape kwana alosit ngaren, abuni aticepak eong einer Aisiraret namam eong atiroritor kane okanisa, kokinga kotoma aitukonokineta.

Ido kwana kijaar eong, akoto eong araut loeyalamikin noi mama ejai Edeke kanuka ajanaanut naka Onac Blair. Iswamauna ebe ejai Onac ka Inac Blair iboiete kanepokane atibong na, iboiete cut kanepokane koingarenewok, luajaatar isapat. Ido eitunit eong neabu Ejakait kalimokina eong neajaar ngesi...Onac Blair, egurwokina, omony. Ido itelepatake yenididi edicaritai koreet koipone kalo, emotoka

loabu kibebeloar, ido arono noi. Ido napekajai eong ailip, abu eong aanyu ikesa ngin engalei. Kosodi Onac Blair, aingit eong, ebala ebe, "Onac Branham, erai kereka na EBALA EJAKAIT KWANATA?"

Eong ebe, "Onac Bliar, Blair, erai EBALA EJAKAIT KWANATA."

Ido ejai Onac Blait ne atibong na. Ido abeit cut iyalama oni kanu ajaut kede Onac Blair ne kaoni. Ido ejai ngesi eutaara kede ationis adio naka aridakina naka aomisio. Ido abu Satan koinak nges aijangaret naepol noi, kane pac, kanu aitam ainakin nges amamus aiyuun eong. Ido nape ejai Satan aswam ngun, abu Ejakait kobu kosodi apukokin ngin mama ejai ngesi; kosodi alimokin nges nuikamunitos ngin, kanu atubor ngin awai eroko apak ebuno kanuka nu. Ido erai Onac Blair etunganan lokajokan. Ido akoto eong yes aaitun nges. Esubit ngesi bala ejai kiding naka aomisio nuka nuebeit aswam. Mam nges ejeni eipone loebeitor aswam. Ido amuno eong, Onac Blair, ebe Edeke...Irai ijo ebulesit lokaumokin loka Kristo, ido ejaatar Ngesi nuipu noi nuebeit ijo aswam, naarai ejaas akimian amusumusun. Ijo ibu kojai ne atupuruc na? Uh-huh. Eebo, ejok ngin noi.

7 Kwana-kwana, aomit eong, apak naetupakini neanyunia eong ijo, aticepak kotoma Poro, mot. Ido edoluni apak ngin, eticepak ajenunitos oni arai ibuni ajaun kede atukonokin arai mam, kane ko Jeffersonville, kotoma apak naebeitor ti eong ajai Norway ka akwapin nuka Agolitome naka Europe. Kwana eroko oni isiomuna nuebeit aimor...

8 Naarai, ijaatar oni ekokoro lokaailipanakinio ebunit, ido ejaa luipu ebwoete, agolaik, ka arimun arwatatin, kaceda, ido ajeni eong, yesi, etionikit yesi noi. Ido abwoienenetor eong, irwanapu, eong da elopet. Ido abu eong etor osiep, ipak edit kau, ayangauni eong lailo, abu eong aany itunga airimor ikeka. Kasodi eong aomoom ebe, "Ingai ebala ebe mam Eijiri erai ibore yenisupi itunga kakaere kotoma akwap?" Abeit cut erai. Erai, isupuni ngul luipudas Ngol. Ngul lumam epodokinitos, ejena ebe, mam ngun isupuni ngul. Ngul, mam ebuni. Konye, Yesu, "Arai," ebala, "arai ekeun Eong kuju kotoma akwap, eriuni eong itunga kere mamaKang." Eipone loeraar ngin abeit!

9 Ido adol eong ngina, ejaas nuipu noi nuebeit einer, ido ejai eong asubit bala ewadikai nualosi eong einer kane, adaun aojau mot. Arai bo nat eong....Ejaas nuipu nuebeit einer, imurwokinete ijo nuebeit alimun.

10 Kwana, apupi eong ebe aponi ibatisai papake Onac Ungren atupuruc na, Kokiror loka Yesu Kristo. Ido arai ejai Inac Ungren ka ngul ne, ejeni eong ejok cut ebe erai ngin ibore yenepol noi nekec, naarai erai lem ngin ailipakec nainyikokinit adaun ikar luipu. Ido Onac Ugren, kaneijai ijo kere, kisirereng ijo Edeke kabaraara, onaceka.

Ido arai mam ngin erai abeit, koinak Edeke abongonokin kanuka ngin Kapaaran Naka Etube. Ianyu? Ajeni eong ebe edolit ngin. Abuni eong aibwok aitoronio kanuka ngin. Edolit ngin cut bec, naarai erai Abeit.

Ibala ijo ebe, "Iswamauni kereka ngin aitegelikinet adio?"

Abu iswama kama ejai Pau. Aponi ingitai eipone loebatisatere kes. Abalas kesi ebe adaunitai kes aibatisa Yokana etunganan loebatisai Yesu. Ebala Paul ebe ajai ngul abunore kosodete aibatisaun, bobo, Kokiror loka "Yesu Kristo." Ido emamei ibore kotoma Obaibuli yenibatisatere Kokiror loka "Papa, Okoku, ka Emoyo Lokalaunan."

11 Emameete itunga luibatisatere koipone kangol kiton aiswamaunio naka ekanisa loka Atulik kotoma Airiamun nako Lao-Nicene ko Loa-Nicaea, Rome. Ngina nges aponi ibatisaere itunganan yenisodit kitwasamaete imaeta.

Abu ekesa ece alimok eong apaaran kaya. Eong ebe, "Eebo, arai... 'Ejakait Yesu,' nges Ekekiror." Ebala ebe... "Eebo," Eong ebe, "Arai kebu ekesa ece mamakon..."

Abu eong ekam nges kotoma aisisianakinike elopet. Eong ebe, "Arai kebu etunganan neijai ijo kosodi atemar, 'Ebatisatai eong Kokiror loka Aturot naka Sharon, Apecelit naka aditot, ka Aacerit naka Atupuruc,' ijo itemari ebe 'amen' neejai ngin?"

Ebala ebe, "Mam, ipa."

Eonge ebe, "Eipone ti ali...biai ijo tikitem aibatisa nges?"

Ebala ebe, "Eebo, ipa."

Eong ebe, "Eipone ti ali ibatisa ijo nges?"

Ebala ebe, "ti eong ebatis nges Kokiror loka Papa, Okoku, ka Emoyo Lokalaunan."

Kasodi eong atemar, "Koipone kangol nges tikebatisa eong da nges, eebo, Kokiror loka Papa, Okoku, ka Emoyo Lokalaunan." Eong ebe, "Kwana, 'Aturot naka Atupuruc, Apecelit naka Aditot, ido Aacerit naka

Atupuruc mam erai ekiror.”

Ebala ebe, “Edolit ngin. Erai amaetait.”

Eong ebe, “Kwape kwangin nges erai, 'Papa, Okoku, ka Emoyo Lokalaunan.' Kwana ti eong ebatisa nges Okokiror loka Papa, Okoku, ka Emoyo Lokalaunan; ido Ekiror loka Papa, Okoku, ka Emoyo Lokalaunan nges 'Ejakait Yesu Kristo.' Becebec. Aso abala eong ebe...” Kosodi ngesi aanyun ngin, aiyuun, arai mam.

Arai Onac Joseph Mattsson-Boze, lo Chicago, etunganan loaninik kakere loepikoritor eong, kede ngin. Ido aomit eong bala nepetai itunga ilukumin iuni arai iwongon luebeit aibatisa kwana, kadol eong ngina Africa kede nges, ido kanuka abongokin aibatisao bobo.

12 Kwana, aso iyalama oni noi kanuka Aica naka Eijiri. Ido kwangin kwana, abala Yes, nejaar Ngesi ne toma akwap, ebe, “Eong, nuapupuni Eong, kes enera Eong.” Ido kwana alosi eong alimun...kanuka adakikanawok nuetupakinete, nepetai atomon, arai atomon ka lukany, eroko eong elemuna akirot naebait aimor, ido akirot naeuriana noi, kasodete do oni ajaun kede ekokoro loka ailipanakinio. Adolok eong toma adoketai kotoma aijaanakinika, adoketai naka eong...ebeit eong-ebeit eong alimun icebore. Kasodi eong...

Alimunit Yesu ngin. Ebe nuapupuni Ngesi, ngun kes alimuni Ngesi. Kosodi atemar ebe, “Abu Eong anyara yes ikapapero, ido epapero elimokini ikepapero akiro kere.”

Abala Paul, kotoma Aswamisisio 20:27, ebe, “Mam eong abu kenac alimonokin yes ainerun kere naka Edeke.” Ianyu?

Ido ber eong da emorikikinos kede etunganan ngol lokalaunan lokolo, atibong na, kasodi alimun ibore ngipengin. Kotoma aijeneka kere, mam eong...mam eong abu kenac, konye abu kalimok yes Ainerun kere naka Edeke.

13 Agwetakit icetunganan adiopet kotoma atepun, kapaaran kaya. Ido naarai ebe abu koinak icetunganan anyunyurikin, apotu inomata kes kede emuudu kotoma odirisa, kosodi aberu aimusungun.

Aso aticepak acepaaran abuni eong aipucakin akajenaanut. Konye edolu apak ngin ido erai... akapakina eong alosit. Kiton needolunio apakika, emamei ibore yenelosi aimusung eong kiton apak ngin. Ianyu?

14 Kwana, iyuunit oni Eijiri ngopengol, koipone kaloiwadikaterere Ebaibuli. Ipimatai. Ido-ido arai kipimai emuudu cut aibecokin, ido kitebeikinitete cut; arai inom toma irwan nasodit, ebuni ainom toma irwan nakiareit, kosodi nginipak kere.

Arai ekitoi, atenu naapolon, atorom, kitilibu atenu, kosodi atenu ngin aira eiponece loka araito; apak naetupakini naelibuna atorom ngin atenu ace bobo, ebuni aira araito naka eipone kangopekangol.

Ido arai erai Yesu Atorom, ido araas oni atenu; ido Atenu nasodit, Ekanisa loabu Atorom kitilib, apotu iwadikata Eitabo loka Aswamisisio nuka Ikiyakia kokauke. Ido ebatissai Atenu ngin nasodit Kokiror loka Yesu Kristo. Ido ajaatar Edeke lokajaran kakidingotokec, loabu iswama iboro ngipengul kakidingotokec loabu Ngesi kiswamate nejaar ne toma akwap. Kanuka ngun, apotu itunga ojenutu kes, karaida mam esiasios ido komam esiomitos, ebe ajaas ka Yesu, naarai ajaai Aijarake tomakec.

15 Kwape alimunio eong, arai ajaatar eong emoyo loka-loka ekaraman loenyaritai Beethoven tomaka, abuni eong aiwadik ikososisio. Arai Beet-...arai eong...Arai ejari Beethoven kotomaka, abuni eong araut Beethoven. Ianyu?

Ajai ejari Shakespeare kotomaka, araun eong Shakespeare. Ti eong-eong ewadik awaragasia, ka-ka-ka aboliasinei, kaceda, arai kojari Shakespeare kotomaka.

Ido arai ejari Kristo kotomaka, aswamai ijo aswamisisio nuka Kristo. Eebo. Ejai ajaun kwangin. Ido inyobo Kristo? Akirot. Abala Ngesi ebe, “Arai kislak tomaKang, Akakirot da tomakon, ilip idiobore kere yenikoto; iswamaikinio.” Naarai ejai Akirot nen, ipuda Aica bon; ido Aica nges einakini Ngin aijar.

16 Aso kwana alosi eong alimokin yes icebore, kwana, yenimam eong alimunitor aojau ngin kere. Ido, ngin nges, ibore yenikipou oni edaritos adaun aojau naepol (adaun nepetai ikar luipu, iwongon arai ikany, arai bo adepar da), Abwosunet Nakiuniet, etodiar kwana, ido ajeni eong ejok ebe ijenete yesi kere naerai ngin.

Kwana kiitu, mam ebuni ajaun aitupusio naka ngin, naarai mam epedorio. Itei ijo, mam epedorio. Kwana ejai iswama. Ido abu eong...Ekwenyaritai eong kanuka nu, katipet noi kwangin...Cut kotoma apak kana kwana eswamaun, tetere itodiari ajukutuke kakidingotokus, itei ijo, konye mam eponio aitwasam kotoma adoketai naikiara noi kiton apak naegeunia Atukos na aiketakin. Ido kiswamaun ngun, kiswamaun ngin...Ipetekootin, kaiceda, epedorete nepetai aituput idiobore kere yenepedorio aswam. Konye kedolu

apak ngin, kebu aridakinio, ianyunete do yesi, ngun nuianyutu yesi kaurianut, kitodiaro kotoma aileleba naka apedorike. Ianyu? Ianyu? Ianyu? Ianyu?

17 Kwana ibusakinit eong ainyikokin kotoma alimonokin. Kwape aponi keyakiarere eong, nasodit, ibusakinit eong ainyikokin. Kanuka ngun, ijaunos yesi kede Akiro, ido ijenete yesi ibore yenebeit amoot, eipone loebeitor aibwo. Ibusakinit eong ainyikokin kotoma alimonokin. Ido, ipaperoka, kinapakinokos, kosodete ainyikokin alosit ngaren, naarai ejai esawa adolun katipet, itei ijo, loelosere aiswamaun icebore.

Kwana, aticepak ianyunete yesi icebore yenitegelikina iswamaikin eong. Mam erai idiobore yenerai adiakar; mam eong apeleikinit ngun. Konye, apeleikinit eong, icebore yenitegelikina kede eswamae lopelem sek. Naarai, neadolok eong kwana, kotoma aijaanakin, ajai eong abongun kau ne, angicakinit eong adoketait ngin ido edarite apak naka aitwasam ngin. Konye, elosio aitwasam.

Ido nginitungan kere ejeni ngun, naarai, kwape aponi kitodiarere Nasodit, kwape kwangin etodiarere Nakiareit da. Ido iwomoom ijo ejok cut, yesi luimoyoikitos. Kwape abalar Ebaibuli, ebe, "Erai na neejai ngin yenejai acoa." Nakiuniet itodiaritai ejok noi. Ianyu? Ijeni oni neejai ngin. Aso, Ejai ne Abwosunet Nakiuniet.

18 Erai nakalaunan noi, ebe, mam ibusakinit eong einer nuipu nuikamunitos ngin. Kwape abu Ngesi kalimokinitor eong ageunet, ebe, "Na sirikilim idiobore yenikamunit ngin." Kiitunitos yesi ngun, ekar ediopet kau? [Kotemari atukos ebe, "Amen."-Ekewa.] Inera ngin kanukeng alopet. Ianyu? Konye ijo...Abu eong atam aitacaun nuce, ido abu eong eswamaun aibucaret. Yen nges abbuni araut ibore, ebe, kotoma aomisioitika...Mam eong abala ebe Ejakait elimokinit eong na. Yen nges abuni araun ibore yenitegeari aiyuun naka Aurupoorio, kanuka anyoun alosit. Ianyu? Ianyu? Ido...

Ibusakinit eong apero elilinga ipak edit. Kwana kiitu, ka ngin da yenepupi atepu na, aticepak ipedori ijo aanyun aijulakinet kotoma aijaanakinika ageun kwape kwana, ebongi kau, mere alosit ngaren, aibong kau. Ijai kwana oni cut toma atur kwana, ido mam epedori, ido mam epedori aiyatakin alosit ngaren bobo. Ebuni oni adarekin ipak edit bon kiton na aiswamaun kane, kanu airiamar, kobuni do apak ngin. Konye, itodiaritai ejok noi.

19 Ebunit apak, kotoma akwap kana, naebunio akwap na aitodianar apedor najaatar etiang kokauke, loarai Rome nakapiirit nearaunor Rome naka luka ipaapa, itei ijo, ebe abuni akwap na aswam ngun.

Apukokinio 13 itacaunit ngin ejok noi. "Alomuni imerekek kotoma akwap. Etiang loce je alomuni kotoma akipi," Isipanin ka itunga luipu. Alomuni imerekek kotoma aiboisit namameete itunga. Ebwoikinit imerekek ediini. Imerekek yenika Edeke...Ido, kiitu, enera bala kwape imerekek. Arai imerekek.

Kosodi do, akaulo naka apak naedit, abu ko...abu kodum apedor, ido inera bala kwape apiu; kosodi aitetemonor kere apiu, apedor najaatar apiu koingareneke. Ido apiu nges "Rome," duc. Aso mam ijo itei? Ediini loka Iromayon; "emacar," ediini loka Protestant," "aput mama ejai etiang," aiswamaun apedori naebuni abuikin luka Protestant kere, bala kwape atukos naka aimorimorun. Ejaun ijo ajaun toma Atukos na naka Ikanisan, arai mam mam do ijo ibuni apedor ajaun toma aidicane. Arai a-a..

20 Eebo, erai kwangin nepetai kwana. Mam ijo ipedori alosit okanisa kosodi alimonokin arai imameotor ijo akaadi naka eidicane arai icebore yenitodiarit ijo. Ido kwana, mama ejaas itunga kwape kaoni ikulepek, ilosio oni atubor kama ejaas ngun kere, nepepe, erai cut becebec abeit, naarai mam kes epote apedor aswam ngin.

Ejai aiketakin. Ido kedolu apak ngin, kosodi aridakinio adolokin adoketait nakilemarere yesi kinga, kosesen do nuajai eong akapanakin alimokin yes kotoma adakikann adis. Kosesen do Aibwosunet Nakiuniet ebuni, itei ijo, ido ebuni cut araun kere neejaas luewoliorito cut, konye ebuni ngin-ngin araut kanuka Ateran ka Ekanisa.

Kwana iyapikinit oni adepar kwape kejaar. Mam eong ajeni iwori, konye eyapie noi, noi. Apedori aticepak eong ajai adukun apetait kanuka icetungan alomun toma. Aticepak ayangario eong eroko apak ngin. Mam eong ajeni. Ido apak ngin aticepak osabiiti loebunit lo, ebe ebuni Emoyo Lokalaunan kede...kosodi ayangaun Yesu Kristo. Epedori Ngesi abunore esabiiti lo loebunit. Mam nges alimokini oni ngin.

Konye eyuunit eong, ebe iyapikinit oni noi, ebe mam ti eong atwana kanuka amojong. Konye kereka, kotoma okar akaisakany lokapolou, mam eong cut abuni atwanare kanuka amojong, kiton Nges ajaun ne. Ianyu? Arai canat kenomi eong kede amuudu, ayari eong, arai icebore, ayari eong eceipone, konye amojong mama ayari eong, komam Nges abunit. Ido eyuunit eong ngin.

Ido akoto eong alimun na. Mam eong elimunitor ngin lem. Konye kwape ejaar kotoma Naiwadikaere, kwape ejaar kotoma kanu alimunit Ngesi ikar akaisauni kau; ikar akaisauni kau kocilet kokwap kalailo, kokaru 1933, atemas; nuabu Ngesi kolim, nginibore kere eswamaun cut becebec. Aticepak mam eong abuni aswam ngin, konye Aisiraret na ebuni aitejenar Yesu Kristo neejai akwap. Naarai "Kwape ejukunere

Yokana alingakin abunore nasodit, kwape kwangin ijukunitere Aisiraret na alingakin Abunore nakiareit." Ido abala Yokana ebe, "Koany Imerekek yenika Edeke yenelemanari aronisio nuka akwapin." Ianyu? Aso, eupasi kotoma ngoliway. Ido ajeni eong ebe ebuni, ebuni Aisiraret alosit ngaren.

21 Kwana, ajaunos iboro lukapolok lueswamaunos korot. Atupuruc na ajai toma aimor agoola kane. Kosodi atumunan ece, loenyaritai ekekiror Autry, aticepak eroko ngesi ejai toma ne atibong na. Elomunit ngesi ko San Antonio, Texas. Abunit ngesi aingitun arai...apak naijaar isio alosit Dallas, nakibunio ko Carlifornia; arai ipedori isio alomar akuar adiopet okanisakec, kanuka akuar adiopet bon. Ido idaritos kesi ngin, kotoma apaaran adiopet naetupakini arai aarei, aanyun arai ipedori isio aswam ngun. Ido ajai ngesi alimonokin eong nuikamunitos...mam eong aanyunitor San Antonio ageun kotoma airiamun kangin nasodit.

Kwana, airiamun nasodit, neabunio eong San Antonio. Ajai eong ngina, kede Onac Coote kede-kede luka Intenational Bible School. Ido emurwoki eong etogo loapotu isio ebwaikisi aijaanakin toma. Ido arai akakuar nasodit arai akaur nakiareit, aomit eong akuar nasodit, neajaar eong alosit olutaari, abu icetunganan konyoun aibwo kotoma aduketait, kokau cut kau ngina, kosodi einer kede angajepa, bala kwape emuudu inomanario. Ido mam abu iyatak ngaren iboikin kwap, idakikat idiopet bon arai iarei, kiton icetunganan anyoun kotoma aiboisit kosodi ainakin aijulunet.

Kasodi eong abwoun, kanuka nuabala ngesi. Abu eong alimok etunganan ngol ebe, "Ijo ijeni etunganan lo?"

Ebala ebe, "Mam, ipa." Kosodi atemar...

Eong ebe, "Eipone ali ibunio ijo ne?"

Ebala ebe, "Itunga lueswamaikini eong, ajaas...ajaas ne atibong na, ido kes ayangaunete eong." Erai ngesi e...arai ngesi ekedaran ibaren.

Eong ebe, "Inyobo iswamai ijo?" Ebala ebe... "Ijo ijeni nges?"

Ebala ebe, "Mam, ipa. Mam eong aanyunitor nges."

Kasodi eong atemar, "Ingai bo ijo?" Ido arai ngesi e-ekagwelanaran koibuga.

22 Ido nuapotu kesi kolimutu kotoma a-a...Kwana, ajai duc eong, eroko eong esisiauna ejok, abunokin ber eong mot nuka einer kotoma angajepa; aomit eong ebe nuipu nuka ngin arai akuan, ido epedori korai. Konye nakelimunere na, aijulunet ngin arai cut becebec nuabala Emalaika loka Ejakait kokwap kalaije kocilet, ikar itomon ka ludiopet eroko ngin, "Kwape aponi kijukunere Yokana Ekebatsian alingakin abunore nasodit naka Kristo, ijukunitai ijo alingakin abunore nakiraeit." Ianyu?

Ido ekoni nen, apak nabu Emalaika ngol, Aica ngin naitodiaritai ejok noi. Kama ejai ekanisa ka kama ejai Akirot, kede science, ka nginibore, etodia ngin. Aica ngin, naarai apakiKe nasodit atakanun kotunga, abwoi cut kokuju kaneajai eong; nepetai isawan ikanykauni paaran, kotoma akeju naka edaraca kangina, cut kokwap kane kakeju naka erot loenyaritai Spring Street, kotoma akipi. Kwana, erai nen ikar luipu noi, noi kau. Ido cut becebec nuabu Ngin kolim, etodolikin, kiton acwinyakinet.

23 Ajai onac lo alimonokin eong, atupuruc na. Abu ngesi odukokinos kede apese kokinga naka ekanisa kane, akoku naka Inac Noyes. Ido mam eong ajeni, aomit eong abu esapat lo...Ijo ijai ne, Onac Autry? Mam eong ajeni. Alomunit ngesi ko San Antonio. Mam eong ajeni arai ejai ngesi ne arai mam. Ajai ngesi atupuruc na. Ido ajai ngesi alimonokin eong. Aomit eong abala arai papaake, kotoma airiamun kangin, arai loabu odeka adek naka ailonor ajarake kere, kosodete ayangaun ngina.

Arai ngin Nasodit, ageunet naka aijaanakin, neabu kotemara ebe, amisiikin aomisio, arai kes adokokin akecekanin kuju kanaka, ido nuaponio alimun apote araun kesi ngun. Ido abu eong alimok yes, ido luipu eraas ikajenak atibong na, ebe ebuni aitodolikin ebe abuni eong ajenun aiyeiyea alopet naka itauonocek. Kiiitunitos yesi ngun, eroko ngin kiswamauna? Nepetai ikar ikany arai ikanykape ekaulo, abu ngin kiswamaun. Kwangin abu Ngesi kotema ebe, "Arai inyikok ijo araut lomunot, ebuni ainyikokin alosit." Ido kwana eswamaun akirot na naka Abwosunet Nakiuniet, itei ijo, inyikokinit alosit ngaren.

Ido abala ngesi ebe aponi papake koyangaunai toma okokoro, kosodete alimokin nuekamunitos ailonorike, kaceda, kosodete ailipakin nges. Ido erai nen ikar ikanykape kau. Ido ebala ngesi ebe mam ngol ejaunar bobo kede amiedario naka ngin ageun. Ido eyapikinit ngesi ikar akaisakanykauni ka lukany lukapolou, ido mam ejaunar kede edek ngin ageun apak ngin. Inyobo ngin? "Yesu Kristo ngopengol, bian, lolo ka ikar kere."

24 Biai Margi Morgan ejai toma aduketait? Inac Margie Morgan, aberu nabu engoti konyamarite; anaasit. Imeeban imwaasi ai Inac Morgan? Arai ejai ngesi ne, mam nges epedori alomun toma. Abu ngesi kojai amukian. Itei ijo, otunga luadekas engoti ko Louisville, adau kwana aberu ngin nepetai ikar itomon ka lukanykape, itomon ka lukanykaarei etwanit kotoma otunga luadekas engoti ko Louisville.

Neabu Jim Tom Robertson, epuliida, epuliida loarai Ekristayot, kopuonio, abu kolot adekis naka luka Baptist, angicun ka aanyun arai erai abeit, naarai ejai papake atukot, arai lomunot kotoma Adekis naka luka Baptist. Kosodete ngun aingic ejautene, ido abeit ti aberu ngin kodaunite atwanare ikar kau. Ido ejai ngesi erai anaasit kane ko Jeffersonville, kotoma adekis. Apak nabu ngesi kobwoio kane, nearaar adakit nges adakit, komam akekou ecai da. Konye arai EBALA EJAKAIT KWANATA, ido ejari ngesi. Abu kolot aswam naka araut anaasit, ko Louisville.

25 Kosodi ekesa ece kokwap kane, aiboisit naegwelanarere iboro lueyiinyak naenyaritai Schimpff's

Candy. Ejai ejakait Schimpff ne atibong na? Akoto eong nges alimun ngin, arai ejai ngesi ne. Sonny Schimpff, etunganan loelangir loengalei. Irwanapu neatapitor eong ai...

Angara eong alimun na, konye erai abeit. Amina erionget loeswamai eong toma ainanakin eong aboola arai eswama eong esabiiti kere, ido amina eong abunore otaun kasodi alemun ekagaali kobuke Onac Mike Egan, ediopet kotoma lomunon kane. Kede Jimmy Poole, aomit eong bala ejai esapatake ne atibong na; Jim keong, ka Earnest Fisher, ido ipedori isio alosit kwap otaun, kasodete alosit asesen aputosia kanuka igoodi, ido atapit isio asesenenen aputosia nukolo nuelilingete. Irai isio idwe ludidik, ido ikoto isio, nepetai ikar ikanykauni, itomon lukapolou. Kijaar isio ngol William S. Hart. Luipun kayesi mam iitunitos nges, ekabolian ngol lokolo. Aputosia nuelilingete; ido mam eong apedorit aisiom. Ajai bon eong asesen nuelosete ngaren. Ido epuda ti ngin asiomio kere, ido mam eong apedori aswam ngun, konye asesen bon eong nueswamai ngesi.

Ido amina eong ajaut kede igoodi ice yenelamara. Ido imwaasi ai iitunitos alemun inusu idiopet kanuka eicupa loka ice cream? Eebo. Apedori eong adumun icupai iuni luka ice cream, ka inusuo iarei luariakasi kede emucomo. Mam eong apedori adakit icupai luka ice cream, aso anyamari do eong kes. Kasodi adumun inusuo iarei luelosikina emucomo, apedori araut nepetai atutubet naka epound loka iboro. Ido Schimpff's nges eswamai ngul. Ido amina eong alosit toma ngina, kasodi aiboikin kau kasodi asesen William S. Hart.

26 Kosodi esapat lo, apol mot adepar eong, kinomite adek, ebe apotu ipiriotin iarei luejenara inacata nges, ido korai nepetai loka alangir naka pounds akaisaongon ka lukany, ido kojai atwanare. Ejakait Morgan nges edari nges. Ido ajai ngesi toma adoketait nationo! Ajaatar iboro luepu noi; amunaara ikeukoi, amunaara ekeporoto. Atumitos akekanin kwangin, ido aperi ngesi kangina, kojai atwanare.

Kosodete aitac ejakait Morgan abunore toma aswam. Aso abu ngin kolimok nges ebe, "Abu eong da sek arai adekan naka engoti," kosodi ageun alimonokin nges.

Ebala ebe, "Arai ingai ibala ijo, Billy Branham? Inyobo," ebala ebe, "Etwegelinikit eong nges emucomo loepol ka ibakulit luka ice cream." Ebala ebe, "Mam eong ajeni arai epedori ngesi abunore ailipakin eong?" Kasodi eong alosit ngina ailipakin Junie Schimpff.

Ido kwana arai ipuda ijo ainerakin kede nges, Schimpff Candy kwap ne, cut okek loetupakini, arai ekek lokiareit anyoun kama ejai aduketait naka LeRose, kalaije korot. Aiboisit naegwelanarere iboro lueyiinyak naenyaritai Schimpff's Candy, yesi kere kane ijenete neejai aiboisit ngin. Ikatunga, erai adiopet kotoma aiboisio numojong ko Jeffersonville.

Ido napekeperi kangina, kojai atwanare, kede ipiriotin ikany einakinitos nges isawan bon kanu aijar. Arai EBALA EJAKAIT KWANATA, "Mam ijo itwani; konye ibuni bobo ijo aitwegelenikin eong emucomo, kalaije kotoma aiboisit naijaere isirigin." Aojau...

27 Ajeni eong ebe abu ngesi kongaleu, konye abu ngin kemurwok eong kolo sek. Ido ajai aberu keong alosit kwap ngina agwel ibore lueyiinyak, nakidolunio ne Obaga. Ido eipone, mam eong ajeni, ebe iwomoomotor isio nuka Schimpff's. Naarai, duc, ilosesenenei isio lailo neejaas aiboisio nuegwelanarere ike kasodete alemun, konye apotu isio abwoutu koingaren naka aiboisit naka Schimpff.

Nealomaria eong toma, abu inacike kongolia, kosodi atemar, "Ijeni ijo, Onac Branham." Ebala ebe, "Iitunit ijo Junie?"

Eong ebe, "Eebo." Ido kangina, ajai etunganan loti, loagogong, kongalei.

Kasodi eong alomar toma aiboisit naijaere isirigin, abu eong angolia, abu kolurwo kwap kwana. Eong ebe, "Abuni eong ayangar pound ediopet loka emucomo kangol."

Kosodi ngesi atemar atiar, "Eebo, ipa." Aso, edarit inacike akaberu. Ido, aso, abu ngesi kitolom ngul kinga.

Kosodi eong atemar, "Atapit eong anyamenen ngul, kolo sek, kane kotoma aitodianareta nuka aputosia"; etulurite akakou kwap.

Kosodi nges atemar, "Eebo," ebala, "egwelete idwe luipu ngul." Eong ebe, "Eroko egwelete."

Ebala ebe, "Papaka abu kosub ngin, nges abu itemok ainapetai ngin." Eong ebe, "Aminakito eong ngul noi."

Kwana, akaulo naka nges adaun aitemokin ngul kere kosodi aikopakini eong, ebala, "Biai ejai icebore bobo?"

Kasodi eong atemar ebe, "Mam eong ajeni," kasodi aikeun kuju. Oo, ikatunga! Ebala, "Onac Branham!"

Kasodi eong atemar ebe, "Ejai ne emucomo, loabu, eong alimokinite ijo, EBALA EJAKAIT KWANATA,' nepetai ikar ikany kau."

Ebala ebe, "Onac Branham, angeleu eong cut kere, emamei karaida ibore idiopet yenerono. Kijaar eong mot ationis naka aipup kotoma akit adiopet." Aomit eong ebe ejai ngesi toma okar akaisakany. Ebala ebe, "Kijaar eong ationis mot naka aipup kotoma akit adiopet, naarai aponi ainakin ike luipu neajaar eong toma ngina." Asianut nakaumokin naka Yesu Kristo!

28 Kwana kimameotor eong apak naepol kwana kanu alimun icebore bobo, konye akoto eong alimun akirot na.

Imwaasi ai iitunitos nuikamunitos ikunyuko? [Kotemari atukos ebe, "Amen."-Ekewa.] Eebo. Arai ngol Ekokoro loetapasi kakere, kotoma aijaraka, ebe mam eong abu apedorite amisiikin ngol.

29 Aso do kotoma Okokoro kalo, lomam eong cut abu apedorite alimonokin kotomake, "Arai kilimokis erongat lo ebe, 'Oukor.'" Ido ijenete yesi akirot ngin, aso abuni eong ailam ngin. Kwana, komam do eong ajeni nuatamit ngin aingarenikin toma. Ido awomit eong ebe ejaas Onac Wood ka Onac Fred, ka ngul, ne toma aduketait, luajaas apak naeswamaunor ngin, arai bo akaulo naka ngin aiswamaun kangina.

Kosodi Onac Rodney ka Onac Charlie, luko Kentucky, onaceke Inac Wood ka ngul ajaas apak naeswamaunor ko Kentucky, naarai apak naeyareikini ngin aiswamaun. Alimun bon alimun kiton atakanun, iboro luamameete. Ianyu? Einer, apak kere, ka aigang Nuiwadikaere, aisinyikoikin.

Apak naeunikini aiswamaun arai Hattie Wright. Biai ejai Hatti ne atibong na? Erai Edith...Imwaasi ai ejenete Hattie Wright? Kiboie eong ka Onac Woods kangina apak naeswamaunor, ido neatemara Emoyo Lokalaunan ebe, "Koinak nges ibore yenipuda," Ido ijai isio einer nuikamunitos ngun, eipone loapotu ikunyuko kotakanuniata.

30 Kasodi eong atemar, "Nges, bon ibore erai ngin, erai Ngesi Yawe-Yire. Apak naepudar Aburaam imerekek, abu Edeke koinak imerekek ngin. Kosodi Ngesi ainakin ikunyuko. Epedori Ngesi alimun ekunyuk kiton atakanun, naarai erai Ngesi lokasuban, kwape apedorita Ngesi alimun imerekek. Mam Aburaam elipit ngin. Alosi bon ngesi aswam ngin, konye abu kitodia ebe ajai Yawe-Yire ngina."

Nealimuna eong ngun, abu aberu naeyapaara...Irwan nasodit nu aiswamaun, Airiunet Nakiuniet, neejai etunganan, arai aberu nadidi, naeyapaara.

Naeswamai, nepetai idolai akwataarei ekaru, kanuka ajaria, kere luadumuni ngesi kotoma omanikorike. Atwanit okilenike; idwe iarei luadaunnitos apuor. Kosodi abunore ainakin idolai akaisaarei, luka ngul, kanuka adukio naka Eyekalu kalo. Ido abu Meda koinakinite eong icesirigin atupuruc ngina kanuka inyammat, dolas akaisaarei, ido abeit eong anyakakin nges apak ngin, neajaar eong kwap ngina, tetere mam nges etaci ngul. Konye mam abu koyanga. Ido neabu...

Ajai ngesi iboie okau kosooda, ido neatemaria eong ebe, "Ibore idiopet bon yenajeni eong, nges, eroko Ngesi erai Yawe-Yire."

31 Kosodi Hattie alimun akirot naebecokina. Ebala ebe, "Mam ngin erai idiobore kidimarai Abeit."

Ido nakelimuna ngin ngun, Onac Banks Wood lo nges ediopet loajai, abu agoola ngin kosub bala ajai atiaikin. Kosodi Emoyo Lokalaunan atemar, Eporoto ngopengol loabu kiner nuikamunitos ikunyuko, ebala ebe, "Koinak aberu ngin ibore yenilipit."

Kasodi eong atemar, "Inac Hattie, kwape ekajenan akonyen nuka Edeke, ikoni neta. Kwana, arai ejai adiobuonokin kotoma aomisiokon, ilip ibore yenikoto, ido arai mam ibwaikinio akaninikon, akepolou arai do eong enabi lokengalat."

Abu ngin kotema atiar, "Onac Branham." Nginitunganan kere ajai aimony. Ebala, "Elip inyo?"

Eong ebe, "Icana ijo, ido iboie ijo kokuju orongat kangina, komameete isirigin; ipedori ijo ailip ngun. Ijaatar ijo inacikon nadidi, naengwalit iboie kangina, Edith, napotu oni elipata kanuke, adaun ikar; ipedori ijo ailip kanuka akengaleu." Eong ebe, "Papakon ka totokon amojongata ido ilwaruna; ipedori ijo ailip kanukec. Ibore idiokere yenilipi ijo, Inac Hattie, koany kwana arai iswamaun arai mam, kwape kwana." Kasodi eong atemar, "Alimoki Ngesi eong, Eporoto ngopengol, abala ebe, 'Koinak aberu ngin ibore yenilipi

ngesi.”

32 Kosodi ngesi angolongol, ebala ebe, “alimuni anyoika, Onac Branham?”

Eong ebe, “Kolim ibore yenipuda ijo. Koomoom nuikamunitos eipudikon lokapolon kakere, kosodi alimun ngol.”

Ido kojaas ikedwe icicinasi ido okienasi. Kosodi ngesi atemar, 'Eipud lokapolon kakere loajaatar eong nges aitajario naka ikadwe lusap iarei.”

Eong ebe, “Ainakini eong kes mamakon, Kokiror loka Yesu Kristo,” ido kanen kolosete ngul.

Ido araunos kesi lumunon okanisa kalo, kede aibil emugati, ikesa ngul iarei iboiete kanen ilosete akeje kede ikiliok, ka iboro kwape kangul. Irai oni kere ikajenak luka ngun.

Abu ngesi kosek aseket nakabeit. Totoke ebeit atwanare, kwape kwangin nges da, kesi kere. Konye ibore yenabu ngesi ilip ebuni araun yenika Aijar Namam Edaun, ka aitajario naka ikedwe. Arai ngin irwan nakiuniet aswamaun.

33 Irwan nakiwongonet nabu kiswamaunor, abu eong etetem ngin kapak natubor najaar eong ne, arai kokuju moru neagatar ekwam ngol. Imwaasi ai apotu opuputu? [Kotemari atukos ebe, “Amen.”-Ekewa.] Oo, yesi kere. Eebo. Aibosit nagatar ekwam. Ido Edeke nges Ekatubonika abwoi kane, alosi moru apak..

David Wood, ejai ngesi ne nenice, aomit eong, loabu iswamaik eong emugati, ido arai loajok noi! Aomit eong bala atamit ngesi ainakin eong kanuka loabu eong ewamaikinite papake, ikar idis kau. Emugati loinyalakinitai akiring naka epege, nakiteng ka nginibore kere kinyalakinitai nepepe. Kasodi eong aibwaikin ngin toma osaatika, kosodi edou aitep, abu eong adum ngin inyonguna korai elupe looti.

Ido ajai eong abunore kwap komoru. Ajai ekwam ekusi noi, mam eong apedorit karaida asesen akakan koingarenaka, ejok. Ido ajeni eong, ibore idiopet bon, ibelokinitai yes, naarai ejai ekwam ngol ipiripiritoi.

Kwana ejai ekajenan ne, neejaas ngun.

Ediopet kakesi nges ediopet kotoma odikoniniwok lumunon, loerai Onac Wheeler. Ijo ijai ne, Onac Wheeler? Aibo ejai ngesi? Eebo, ejai ne, Onac Wheeler.

34 Onac Mann, ekalimonokinan loka Methodist kolomunite ko New Albany. Biai ngesi, Onac Mann, ejai toma atibong na? Mam eong ajeni arai ejai arai mam.

Onac Banks Wood. Ijo ijai ne, Onac Banks? Ejai ngesi toma agoola naikamere akiro. Eebo. Kosodi-kosodi David Wood.

Ajai Onac Evans ngina, acamunit eong. Biai ngin erai abeit, Onac Evans? Onac Evans, loebwoi kogonga arwatat, ajai ngina.

Kwana eipone loalimonorioto kesi adaun apaarasia, apaarasia aarei eroko ngun, “Ajai ekwam loepol itorit toma akwap.”

35 Ejai Onac Tom Simpson ne atibong na. Neabunio ngesi kangina ko Canada, aponi kilipai nges ainac aitor ngina naarai mam nges apedori atubor, “Ajai aolobos abunore.” Onac Tom, ijo ijai ne? Aibo ijai ijo? Elo ejai ne, iboie cut kanepekane.

Ido kanen kopote idouon. Kasodi eong atemar, ebe, “Inacan...”

Abu nginitunganan kere oker kinga. Amamei itunganan kokau kangina, kotoma otunga akwatat ka icebore kokau kangina, amamei idiotunganan kokau kangina kidimarai atukotokosi nadidi ka ekedaran ibaren, eketekeran. Ido ebeit isio asalakin.

36 Abu eong eworo Inac Evans, kasodi ainakin nges anyaraun aberu kasodi alimokin nges alimokin Tony, “Arai mam eong alomari kinga, kodumutu icetunganan yenitolosi aitolot aimor naka atupuruc kanuka Business Men.”

Ido kangina kokuju moru kapak kangin, abu eong atema ebe, “Kwana neegeunor, egeun edou losodit, arai idiobore, kokereta oidukuru.” Eong ebe, “Kotoma adagikan atomon arai atomon ka lukany komam ijo ipedori asesen akonikan koingarenakon, neeponiata ikwamin ngul...ido ebuni acakun akeje akaisaarei nuka akako kotoma apak naedit, kokuju naka emoru.”

Ido eipone ngol nges apotu itunga, isiomete yesi ngin kotoma apapula, eipone loejaatar kesi kokau kangina kosodete amudiar, ka nginibore. Konye kipou isio ajenete eipone loka elomun kinga, do ijani isio neijai, aso apotu isio apuputu aingarenikinio asalakin.

37 Ido kwangin kokuju naka emoru, neageunia ewolobos, abu eong ageu alosit kwap. Ido ajai nepetai

atutubet naka amairo anyoun kane ageunia eong, kosodi Eporoto loka Edeke atemar, "Ibelokin kosodi abongor."

Kasodi eong abongor kwape abu Ngesi kalimokina eong, akaulo naka aidarekin mot ido anyami eong emugati ngol loainakini eong David, abu eong abongo ngina kasodi aiboikin kwap.

Ido nape ajai eong ngina, ido kojai ekwam ngol ipiripitoido ikusi, olurete akwes naka ikito erot kere, ido koporitos akipi ka akako koipone kangol, abu Eporoto kotema atiar, "Arai Eong Edeke loka esube."

Abu eong angolia kuju, kasodi eong aomoom, "Aibo ajai ngin? Arai ngol ekwam, aticepak."

38 Ebala ebe, "Abu Eong asub akuji ka akwap. Abu eong esinapik ikwamin kotoma angolol," kosodi alosit ngaren inera.

Abu eong asomun kuju kasodi alemar akakopiira.

Kosodi Ngesi atemar, "Inerak ekwam, ido epalari. Idiobore kere eyenilimuni ijo, ngun kes iswamaunos."

Kasodi eong atemar, "Ekwam, opala. Kosodi, akolong, koca jokan adaun apaarasia aongon, kiton nakilomaria isio kinga kane."

Ido nape adauni eong alimun ngun, kobwounete akipi ka nginibore kere. Kotoma adakikat adiofet arai aarei, acai akolong namwanan kopuraka. Abu eong aany ikwamin ekusetete koipone kalo, abongun anyoun ko Agolitome, kopote kwap...Apeleikinit eong anyoun Kokide, abunore anyoun Okide. Aponitos Oto; apotu ikwamin ijulakinos kosodete abongun kowai lo. Ka idouon kwape ibore yenika aumokin, aikeun kuju toma okwam, kosodi akolong acaun kotoma adakikan adis.

39 Kosodi Ejakait ainerakin keong ekaulo mot kanuka, nuikamunito akaberu kokwap kangina, kwape ijeniatu yesi, nuikamunitos neabu eong alot kokwap kangina. Mam eong ajaunar ore kotoma apaaran naidukokinor isio ber, ido idau isio ikar akaisaarei idukokina. Apaaran nasodit naidukokinor isio, nasodit, epucitikosi loka edukone, ainyobo, abu eong ayanga nges osapaali loka amej, kasodete-kasodete-kasodete alosit ngaren toma aiyengaun akaulo naka edukone, da, aso abu eong asub bala emorikikini ngun kere nepepe. Ido kwangin, do, ido ajai eong amejai anyoun ageunet. Abu eong apup eipone loabeitor eong ayangarit nges.

Kwana, arai ngin irwan nakiwongonet aiswaman.

40 Kwana ejai icebore ne yenakoto eong-eong alimun, ido ibusakinit eong alimun cut abeit becebec. Nepetai ikar itomon ka lukanykape kau abu eong ajai Carlifornia kede Onac John Sharrit, ido ajai eong atolosi airiamun. Ido Meda keong, ka Onac Sharrit ka Inac Sharrit, ka ngul, ijai iboie kooteri. Kosodi etunganan loanyaritari Paul Melikian, loabu kobwoenenei kanepokane Oyekalu kalo irwanapu; erai ngesi ekabaran loka Armenia. Ido abu akeberu kidounite ikoku kalaije ko Fresno, Carlifornia, neeboito kesi; kosodi abunore ngina, abu koyangau akeberu ngina, kosodi anyaraar eong ooteri, kosodi atemar, "Biai eong ayangau akaberu, Onac Branham?"

Eong ebe, "Eebo, ipedori ijo." Apaaran natupakini, ajai eong alosit Catalina.

Aso abu ngesi koyangau akeberu, ido odeka aberu noi! Kosodi ngin angoliar...Eong ebe, "Idokok akonikan neejai nakang, Inac Melikian," eong ebe, "ibuni oni aanyun arai elimokini oni Ejakait." Ido napekidokokini ngesi akekanin neajai eong, eong ebe, "Oo, erai adek naka amoorit naka akile."

Ebala ebe, "Mam eong asubit bala ajaatar adioaanyununeta."

Eong ebe, "Idarek." Kotoma apaarasia aarei, ajakai amukian nges kanuka adek naka amoorit naka akile.

41 Jimmy Paul lo, ikokuke. Kapaaran kaya abu kolom toma kede eremone loka etau, aomitos kesi, ido arai eremone loka asima. Kasodi eong adokokin akakan mamake. Eong ebe, "Kosesenata nges adaun apaarasia adis; ejaatar ngesi adek naka akwap. Ejai abunore. Erai emusuja." Abu eong eriamunos kede nges akuar kaya. Ebala ebe ajai ngesi abilakina kwap, apak kere, kotoma adek naka akwap. Ianyu?

42 Kwana, eneras eong kede Inac Melikian, kede akan. Ebala ebe, "Erai ngin ibore yenaumokin, asesen ngun, Onac Branham."Ebala ebe, "Ngin iswama kotoma nginikan kere?"

Eong ebe, "Eebo, arai ejai ibore yenerono kede ikedekan." Eong ebe, "Kwana kane, abuni aidokokin akakan kuju," luipu kayesi apotu kobwoata kosodete asesen ngin, ido mam iswamai. Eong ebe, "Kane, emamei ibore yenerono kede akaberu, aidokokin akekan..."

"Kongolia lailo, naminat, idokok akonikan neejai nakang." Iboie ngesi kane, akaberu. Abu idokok akekan kuju naka nakang. Atipet nakeswamaunia ngin, eong ebe, "Eong ebe ijaatar ijo agolokinet kotoma oisao loka abee loka okediany. Ejaatar ijo ationis naka angor."

Kosodi ngin atemar atiar, "Mam eong apupi aitegelikinet adio."

43 Eong ebe, "Konye ijaatar ijo ngin." Arai Becky ikar iarei lukapolou. Akooka naawoi, ipak edit kau, arai ngin naka ikar iarei lukapolou.

Ikar iarei bobo, kolomuni Sarah, ido apak...Ajai ngesi kede ajengio kanu alemun ikoku. Kasodi eong ailip emuron Dillman, emuroniwok kokwap ko-ko Corydon, ai, "Icila ijo nges, koanyana eisao loka abee loka okediany," kosodi ngesi aswam ngun.

Ebala ebe, "Emamei ibore yenerono, yenabu eong aanyu." Abu eong edokok akakan; aroko ajai.

Ikar iwongon kau kobuni Yosep. Abu eong elip nges aanyanar bobo. "Emamei ibore yenerono, kwape aanyunitor eong." Edokok eong akakan; aroko ajai. Aso abu isio kimurwok ngin.

Kwana yen nges ibore yenakoto eong alimun. Mam eong aminakit einer ngin, konye ejai ngin duc aiswamaun abeit, itei ijo, ido ngun nges ikotosi yesi. Einer duc abeit, mamace nuiswamaunos.

Apotu ikar kotuboros, mam isio kipou eitunitos ngin.

44 Kasodi enera eong nu, mere naarai ebe iboie ngesi kangina, naarai alimununei eong ngun apak naemameor ngesi da. Ido ijenete yesi ngun. Mam eong eyuunit bala ejaun aberu naejok kotoma akwap adepar akaberu, ido amuno eong ebe esalakini nges koipone kangopekangol. Ido akoto eong araut ekiliokit lokajokan, ido amuno eong ebe nginitumunan losapat kotoma aduketait kana, needukokinor, kodum aberu bala kwape akaberu. Mam eong ajeni arai aojau anyoin ibuni isio ajar kwangin, konye amuno eong ebe anatar apaarasia kere kotoma akwap. Ijaun isio iyalama noi nepepe. Edeke nges abu alimok eong aimany nges.

45 Kotoma apak kangipekangin, komam nges ejeni, ajai eong atamit ti mam aimany nges; mere naarai ebe mam eong amina nges, konye naarai mam eong aomit bala abuni ti eong apedor aidar nges. Ido arai ngesi aberu naajokan noi, ido mam eong ebusakinit ngin.

Kosodi ngesi alosit ailip, kosodi apukor Ebaibuli. Ido ijeni ijo inyo...Abu kotema atiar, "Ejakait, mam eong eswamator nu lem, konye koinakinai eong Naiwadikaere naebuni aingarakin eong. Arai ebeit eong aimurwokin ngesi, ejai eong aimurwokin ngin." Abu opuko Ebaibuli...

Kosodi ngesi alosit kinga otolim kosodi ailip. Ido neapukoria ngesi Ebaibuli, "Malaki 4. Koany, ejukakini yesi Eliya enabi eroko a..." Arai nen-arai nen ikar akaisaarei ka icebore kau, komam ejeni idiobore yenikamunit aijaanakin naka apak kana. Ido ajai eong...mam apedori...

Ajai eong aperi kalaije kocilet kangina. Kosodi Ngesi aitikwenyun-aitikwenyun eong, akuar adiopet, kasodi eong apupun Nges ebwoi kosiep naka ekek. Ebala ebe, "Kolot koyangau ngin, ido ebuni epucitikus loka edukone ajaun Olap Lokitomonet, akaisaarei ka luuni." Ido ngun cut becebec kes abu eong eswama. Ido ijar isio eyalamasi. Kanuka asianut naka Edeke, mam isio ijaunar kede akirot adiopet. Erai ngesi awiinyi.

46 Apak adiopet abu eong alom toma. Ido eyangaiki ngesi aitopoloun idwe ngesi bon alopet; eong alosi toma aijaanakin. Ikidioko angor nuepedorete atitingikin kede ngun; ijenete yesi ngun, ti eninikakata. Kasodi eong alomun toma, kosodi ngesi alimun icebore arai yenice. Kijaar isio Joseph kokau kangina, ido erai ngesi e...Abeit cut erai ngesi esapat! Ido abu ngesi kingarak aitemonokin akoruo kotoma akou naka totoke, kwape abu eong da eswama. Aso abeit arai teni ngesi esapat kere, ido abu ngol iswama ibore yenaronon teni ebeit. Kasodi eong alimokin aberu...Abu aberu alimok eong ebe, "Bill, koinak ngol alecoret."

Eong ebe, "Amameotor eong atiting ngin. Ianyu?"

Kosodi atemar atiar, "Eebo, arai erai ijo atitingikit ngin," kosodi aretokin ekek cut koingareneka."

"Ijeni ijo," abu eong aoomoom ebe, "mamace. Mam nges apeleikinit ngun."

47 Abu eong alot alomar kinga ailot ekamotoka. Ido neadolio eong kinga ngina, mam Emoyo Lokalaunan abu kominak ngin; ebala ebe, "Kolot olimok nges," eyuunit eong bala erai Aisitonokin Nakiareit, esula 22. Mam eong abu alot. Aomit eong, nasodit ber, ebe aoomoomot eong ngin aoomoom. Abu eong enyikok ailot. Kosodi alimun bobo, "Kolot olimok nges aisiom nu.

Kasodi eong alomar toma kasodi alemun Ebaibuli, kasodi aisiom. Arai neabu Mu...arai Miriam, anabi, akienar onaceke, Musa, kanu aimany apesa naka Etiopia, ido mam Edeke abu ojokik. Kosodi Ngesi atemar atiar, "Ajok ti korai papake aimuikin aimul oreeteke, itia-itia a-aswam ngun."

48 Aso, abu Miriam odekakin atapon, akuan kere. Ido kwangin kobuni Aaron, abu kolimok inacike, ebe... arai ebe abu kobu kosodi alimokin onaceke, ebala ebe, "Ejai Miriam atwanare, kede atapon."

Kosodi Musa akerit toma aingainga kanuke, kotem. Ido nakeswama ngun, abu Epir loka Akim ijusun

kwap, Edeke. Ebalala ebe, "Kolot konyarau ngin ka Aaron, kosodi ayangaun kes ne." Ido ajai Aaron da toma akirot ngin. Aso abu Ngesi kotema, "Konyarau kes kosodete abunore ne."

Ebalala ebe, "Arai ejai idio kakidingosikus," Edeke kwana inerasi kede kes, "yeni-moyoikit, arai enabi, Eong Ejakait elopet etejenun mamakeng. Enerakinos Eong kede nges kotoma aitapoeta, kasodi apukokin nges kotoma airujasia, kasodi-kasodi apukor airujasia, kaceda." Ebalala ebe, "Konye Ekabulesit, Musa, emamei itunganan kotoma akwap bala kwape kangesi." Ebalala ebe, "Eneras Eong kanges anyoun akituk kiton akit." Ebalala ebe, "Mam kereka yesi apotu koyongata Edeke?" Itei ijo, mam Edeke abu ojokik ngin.

49 Eebo, neabu eong aanyunia ngun, abu eong aker toma. Ajai aberu agoola nace. Abu eong ekungok ekek. Agolora ngesi. Kasodi eong alimokin nges ebe akoto eong ainarakin kede nges. Kasodi eong alomar toma ngina kasodi ainerakin kede nges, abu eong atam alimokin nges nuaraas akiro ngun. Eong ebe, "Awiinyi, ijeni ijo eipone loaminar eong ijo, konye mam Edeke abu kominak ngin. Mam ebusakinit ijo alimun ngun." Katipet akaulo naka ngun, abu kodum ationis kosiepike.

Kipou ayangasi nges neejai emuron kane ko Louisville, emuron Arthur Schoen, kosodi ngol adumun ibore yenelungurur koisao loka abee loka okediany, akirot nabu eong adumunite ikar itomon ka lukany arai itomon ka lukanykape eroko. "Ibore yenelungurur kotoma oisao loka abee loka okediany, nepetai atiaus naka ecokat loka walnut."

Eong ebe, "Inyobo ngin, emuron?"

Ebalala ebe, "Aanyutu ber oni ibore yenebuni aiswamaun, kinyak ber bobo ijo nges kotoma olapio idis, nepetai ilapio iarei arai icebore."

Kipou enyakasi nges. Abu kopoloora, ayoun omaido kiton aitiaus naka emucuga. Ebalala, "Ejok ijo alomun kinga; arai enonokiar ngin kosodi ainyikokin apoloor erono."

50 Abu ngesi ijuka aberu laiije neejai epirotit loka angor; mam nges akoto ngin kojai akaninike. Aso etakani abu ngesi kolimok ngol nuekamunitos aijaanakinika, naarai nges...Abu epirotit loka angor kotema atiar, "Ejaun ibore ngin alomun kinga." Aso abu ngesi kotema...Apotu isio alimokisi nges ebe abeit isio a-alosit Tucson. Ebalala ebe, "Ijeni ijo, kijaar eong epirotit ngina, epaperoka lominat. Atapit eong aiboi ko Tucson." Ebalala ebe, "Alosi eong aijukar ijo mamake."

Aso abu ngesi iwadik abalua kosodi aijukar ngol mamake, kosodi atemar, "Erai amucalatake Branham amucalat nakajokan," kosodi alosit ngaren koipone kangol. Ebalala...Abu ijukak nges aput naka eipone loapolor abutuunet ngin, kaceda. Abu do kodaunite araun atubuunet; kosodi alimun eipone loapolor. Kosodi atemar, "Ajeni eong..." Ijeni ijo, ajeni ngesi ebe...aomit eong ebe aomit ngesi, abu konyara eong ebe "Eketangalan." Kesi ngun kere eipone loajenia ngesi aibwaikin ngin. Konye abu kotema ebe, "Acam eong ebe-ebe epedori ibore ngin alomun kinga, ido ebeit kolom. Arai ebeit alemunio kinga, kolemunai kinga."

51 Konye ajai aitem aiyuunikosi. Ido kotoma ainyikokinit apotu isio elipata. Ido napekiyatakina isio ailip, nges enyikokina abutuunet apoloor, kiton neadolokina adoketait neadongakinor kinga osiepike. Kipou isio elilingata kede ngin; itunga idis kane ajenete; atamitos aanyun ibore yenabuni aiswamaun. Abu kolot ngaren ido ngaren.

Awasia, neabunio eong kalaije ko Canada, aiboisit nabu eong anyounio...

Abu Ejakait koinak eong aingarenikin ateker ngin naka itunga luko India mama ejai Kristo. Ebeit eong abongor aibatisa kes, Kokiror loka Ejakait Yesu, Aporo na, itojok Ejakait.

Kwana, abunore, ido arai apak naka nges alosit, neajaar eong alosit New York...arai kwap lailo kanu ajaun kede aje-...kanu ajaun kede ajengio, arai aanyanario irwan nakawasia. Abu eong alot kiton New York. Ido neabonguna eong, abu eong abwou kotoma kane, kasodi alosit kuju...Akaulo naka eong ajaun kede airiamun kane, airiamun nakawasia, abu eong alot kuju ngina kasodi anyaraun nges koreke Onac Wood.

Kosodi ngesi atemar, "Bill, mam eong apedori karaida atitingikin akagoe atiror ngin." Epeluna koipone kalo kosiepike. Ido akekeju kowai kangol, apedorit bon ngesi eicod kolosi, ido arai esabiiti lokaronon kakere loejaunar ngesi ageun. Kwana iboie ngesi kangina, kopupokinite eong. Esabiiti lokaronon kakere loajaunar ngesi. Kosodi ngesi atemar, "Ejaun eong alosit, apaaran akaulo naka moi, kanuka aanyanario kangin."

52 Abu eong aomoom ebe, "Wu Edeke, arai ejenguni ibore ngin kinga, itikokini ngin isio alosit ore Obaga, ido adaunite eong alimokin itunga ebe abuni eong ajaun ngina." Kasodi eong atemar, "Ikoni bo lolo apak na ai! Oo, ikatunga!" Aomoomoi eong.

"Kolimok nges, arai elosi ngesi aijeng, ijeni ijo, 'Isukunyikinai ngaren mot, kiton akaulo naka Ebagi.'" "

Kasodi eong adolokin aomoom ebe, "Epedori apoloor erono noi." Ido kokau kalailo, ijeni ijo, erai ngin ibore yenaronon, ebongo akeriar toma ongalur. Arai erasiki, apoloor noi, ebuni aiyar ijo. Aso do abu eong aomoom ebe, "Inyobo ebeit eong aswam?"

Kosodi Meda atemar, "Ijeni ijo, kwana, ijo anyarar eong," abala ngesi.

Aberu nabu eong adum ko Shreveport, apedori araut apaaran adiopet akaulo naka ngun, neadolio eong Shreveport, ajai nges alosit aanyannario. Aso abu ngesi kolot neejai e...Ajai amucalat naka Norman alosit, Inac Norman; yesi kere ijenete nges, itunga lueponenenete ne Oyekaliu. Abeit ngesi apur kede ngin, ido neejai epirotit lo. Ido kwangin abu ngesi kotema ebe, "Kidareu kiton neijaunor ijo kede akuarekon nasodit, ko-ko...kosodi ijo abongun." Naarai, aitegelikinet, isawan iarei kotoma apak. "Kosodi konyarau eong kibong ijo, akaulo naka atukonokin, alimokini eong ijo nuebeit eong aswam."

Kasodi eong atemar, "Mamace." Aso, abu eong alot ngaren.

53 Ido atupuruc natupakini, eroko eong enyouna, ajai eong alosit ayangaun Billy ka Loyce. Ejaas kesi kere iarei ne iboiete. Ido duc...

Apotu isio adumutu emakuk lomojong kangina loabu Onac Palmer koburak isio, kane pac, ido itukonokin duc isio airimor emakuk ngol kasodete ailip, apak kere naijaar isio...Oo, Ottoman, kwape, kijeniata yesi, iicolong yenika akeje. Apak kere naidolio isio ngina kasodete ailip, nealosisio eong airiamun, ilipi isio Edeke aingarakin isio.

Ido ajauna eong kuju ngina, apaarasia adis kau, ido arai-arai eong bon. Otogo; adaunitos idwe atwanare, ka aberu da adaunit atwanare. Ijeni ijo, luipu kotoma kayesi ijenete ajai eong aitor toma ngun kapak adiopet, abongor togo loemamei ibore; ijo bon, abu eong eda aberu ngin, Hope. Ido kwana akirot ngin ainyogokin bobo. Abu eong alot ngina, abu eong aomoom ebe, "Ijeni ijo, abuni eong ailip kasodi alosit alemun Billy ka Loyce, kasodi alosit ngaren.

54 Aso kwape alomaria eong toma ailip, abu eong atema, "Ejakait, atwanarit eong kes atupuruc na, kane." Abu eong atema, "Elipit eong ebe ingarakini Ijo kes kosodi aisirereng kes. Abongutu isio toma aiboisit na bobo. Ido kwana," Eong ebe, "ejaas kinga ngina naarai ebe abu Ijo ijuka eong ngina kotoma aitapoet, ido ibu Ijo kitodolik ngin. Kwana akoto eong aidareun, aanyun nuilosu Ijo alimokin eong atupakin aswam." Eong ebe, "Elipi eong kanuka...Itim aberu." Kasodi eong atemar, "Kingarakinai eong kotoma airiamun kokwap kangina." Kasodi eong ainyikokin...Eong ebe, "Ejakait, mam icamakini ibore ngin aiyatakin apoloor. Ido koinak emuron ngol kidareu kiton akaulo naka adiopet naka ekaru, kanu alemun ibore ngin kinga. Angara eong-eong asesin nges..."

Eong ebe, "Ejakait, mam nges apeleikinit nuabu ngesi kiswama atupuruc ngin. Mam nges apeleikinit." Eong ebe, "Ejakait, emamei apak karaida adiopet naelimunitor ngesi akirot adiopet naikamunit eong alosit toma airiamununeta, aiboi kangina adaun ilapio, arai idiobore kere. Mam karaida apak adiopet naengaaritor ngesi akekituk kanuikamunitos ngin. Ejukana duc ngesi ikagoen neejaas ikalotak ijoen, kosodi ailot ikasaatin, ido isikapikite nginibore kere kanu alosit toma airiamun. Aso, mam nges ejeni eipone loepedoria ngesi aijaanakin Edeke."

Yesi angor, kwape ijaanakina ijo okilenikon, ijaanakini ijo Edeke, da.

"Ido kwana, ido kwangin nealomuna eong toma, apasite noi ido adauna cut, epote itunga kotoma nginiboisit kere. Ejai eong alosit kinga nenice kotoma osapaali loka ailok agaria, arai osapaali loka amej. Inyobo, angor nuipu ti ebwargaros kanuka ngun. Inyobo abu ngesi kiswama? Abu isikapik ikanapen luka amej kanuk eong alosit; abu koinak eong alosit." Abu eong atema ebe, "Ejakait, mam nges apeleikinit ngun." Kasodi eong atemar, "Ajengi nges irwanauni, kanuikamunitos alomun naka akoik." Kasodi eong atemar... "Ejakait, angara eong-eong asesin nges iswamaikinio ngun bobo."

55 Ido kanepakanen abu eong apup icebore kotoma ogola. Abu eong angolia kuju. Kosodi Eporoto atemar, "Konyoun aibwo." Ebalu, "Kwana idiobore kere yenilimuni, ejaun kwape kwangin."

Abu eong edareu ipak edit. Eong ebe, "Eroko akan naka emuron etiroria nges, ebuni akan naka Edeke alemar abutuunet awai, ido mam eponio adumun da."

Abu ngin ongetak ngun kwangin, kamaka. Mam eong abu enomak nges esimu. Apotu isio alototo ngaren, alosit kasodi ayangaun Billy ka Loyce, kasodi alosit Shreveport.

Akuar natupakini abu eong enomak nges esimu. Eyalama ngesi. Ebalu ebe, "Bill, akoto eong alimokin ijo!"

Kwana ejai ngesi ne, ido epedori ngesi aitogogong nu. Ajai aigangar nges ngina; alomarete toma agola kede anaasit ka amucalatake Norman, kasodi anapakin nges ikegoen kanu...ageo loka ajengio, kanuka aanyannario. Abu emuron kolom kinga, ido mam nges apedori adokar omeesa; ekaja abutuunet kokuju kangina, kotumite noi. Ido neabu ngesi...Abu emuron kolom toma kosodi ainerakin kede nges.

Kosodi ngol abunore, aidolar aisuka kanu atiror nges, ido naperoko ngol etiroria nges, abu ibore ngin konyou.

56 Ido mam emuron abu kojen esiep loajai ibore ngin toma. Ebalala ebe, "Kidareu mot! Kede aputosia nuenomununutai ka aputosia kere, ka nginibore kere, mam apedori adumun karaida alimakineta adiopepe naka ngin. Abu nges koanyana aberu, abongobong abongobong. Ebalala ebe, "Mam aticepak eong apedori aitetemun ngin, konye, amucalat naka Branham, emamei abutuunet ngin." Ido mam nges ejaunar kede aanyunet naka ngin, ageun.

Arai bo ngin inyo? Koany, cut becebec kwape abalar Ngin, ebe, "Eroko akan naka emuron etiroria ngin." Itikatikat idiopet bon, ido ti akekan etirorit ibore ngin. Itekooro bo lolo biai Akirot naka Ejakait!

Kwana, akaberu ngin ejai nen, ido ijai isio iarei kere akonyen nuka Edeke. Konye naperoko akan naka emuron etiroria akekuan, napejai orot abunore neejai ngesi kwangin, abu icebore iswamaun, abu abutuunet konyou. Ido mam kes apedorete, ebalala nges-ngesi ebe, eyuunit eong ebe arai, mam kereka arai, awiinyi? Ebe "Akoto eong aitogogongoikin ijo, amucalat naka Branham," (biai ngin erai kwape kwangin, eipone loabalar ngesi? Abeit ngin.) "ebe emamei abutuunet ngin. Imameotor ijo abutuunet adio."

Inyobo arai ngin? Cut becebec kwape abalar Akirot naka Ejakait, arai ngin...?...Amen. Erai ngin irwan naikanyikini. Ikany erai enaaba loka asianut, enaaba loka aiyuun, da.

Emamei bobo abunokina kotoma otauka. Ajeni eong nuerai Aibwosunet nakiuniet, ido ajeni eong nuiswamai ngin. Kwana kiyapaaros, ililingete, ayapie apak adolun neebunio Edeke aswam iboro lukapolok kanuwok.

Kwana etulurwoto awokokwes kanuka akirot naka ailip.

57 Ejakait Yesu, abu eong aanyunite ngin kama ejaas itunga ice, konye neadolokina neejai akaberu obe naketiai, ajai toma okaleka, do, Ejakait. Abu eong asesin ngin kede akakonye obe, abu eong atiro ngin kede akakanin obe. Ido eong...ito-...ikar itomon ka lukanykape eroko ngun, arai bobo da, Ejakait, aponi kitejenunai ka apukor ngin Ijo elopet. Elimuni idiobore, ejai aiswamaun. Ibu ijo kojai aitodikin eong, Ejakait, do, ebe, akatiting toma nuabu Ijo iswamaik itunga, kosodi ainakin eong ajenun, tetere eong apedori aingarakin kes. Ibu ijo itodolik ngin kokaleka obe. Arai ngin Aibwosunet Nasodit. Ido kwana Aibwosunet Nakiuniet abu kitogogong Abwosunet Nasodit.

Iyalama isio, Papa. Kitimoi isio akosibucanarete. Irai isio itunga ludidik. Mam isio isiomit, nepetai, itunga lumam isisiatos. Konye iyalama isio noi ebe ijaatar isio Edeke lokapolon lokapedor kere loeseseni ka aidarite isio, naarai mam isio ijeni eipone loidaris akosijar. Ititingikini isio aijarakosi mama ijai Ijo.

58 Kwana, Papa, elipit eong ebe ingarakini Ijo eong. Ido kotoma Aibwosunet Nakiuniet, elipit, Wu Ejakait, kwape ibu lem Ijo inerar ikar idis kau nuikamunitos ngin, aitodun ngin kokuju...aitodun kokuju naka imor, kaiceda, kosodi ayangaun ngin kaju. Kwana, abu eong ajai asesin kanu aanyun nuarai ngin kiton neetogogongoere cut kere. Kwana elipiit eong, Papa, ebe ingarakini Ijo eong ayatakin aiyapaar noi, kede na, adepar kwape ajaar sek, ido kodum Ijo aibuses. Kwape, ajaar kotoma olutaari kalopekalo, neaponi kolimunere Nasodit, Nakiareit, kosodi kwana Nakiuniet, ido nuilim Ijo kere etodolikinokos cut becebec kwape ibalar Ijo. Iyuunit isio Ijo, Ejakait Edeke.

Kingarak nginidiopet kasio acakar awai amamus aiyuunikosi ka iboro lueraas aibe, tetere isio ipedori aibwo kakonyen nuka Edeke lokajaran, ajenete ebe Edeke ngopengol loabu kolema abutuunet kama ejai akaberu naiboie ejai kwana; koanyanaritete kede science loikiara kakere loijaatar isio kotoma akwapukosi, loapotu koanyanasi ngin, kosodete aingic, kosodete ainomanar ngin; ido kwana emamei ibore ngin. Irai Ijo Edeke ido emamei bobo ece kilema Ijo.

59 Ido imina isio Ijo naarai ebe kiinak Ijo-kiinak Ijo isio araun ibulesiniKon. Ido ejaanakisi isio Ijo kede aiyapaara kere ka ayongio, apaarasia kere nuka aijarakosi. Koinakinai ngin, Ejakait. Apedo eong, ka ekaleka, ka itunga lu kere, apedor araut Akimian nuicai, abalang naejijim naebuni ai-...asubun akure kotoma luce, aminun Yesu lo loeswama nuipu kanukosi.

Kwana kwape ipukorio isio Akirot, kanu asiomun Ngin kanuka akirot naemorio, kasodete do ailipanakin lukadekak, kingarakinai eong, Ejakait. Kinerakinokos kasio, kosodi aitangal lukadekak, Kokiror loka Yesu nges ilipai. Amen.

60 Yesi ipedorete, biai eong ajaatar apak kanuka a...[Kotemari atukos ebe, "Amen."-Ekewa.] Arai esunyak eong katipet noi kotoma...ice kokoron kane, akoto eong yes aisiom kwana, arai bo aiwadik, arai idiobore kere yenikoto ijo aswam. Nasodi ejai toma Otabo loka Aimario, 21:5 kiton 19, ido ikoto oni aisiom nu.

Kinerata itunga erono mama ejai Edeke ka Musa, ebe, "Kanukiinyo kitonyounio isio ko Misiri atwanikin amoding? Naarai emameete inyamat, emameete da akipi: apas akosijar

ainyam luebenen." Inyamat luka Emalaika.

Ijukak Ejakait imunwo loka akim otunga, kotodotodoto itunga: kotwaka itunga luipu luka Isirael. Kanuka ngun abu Ejakait...

Kopotu itunga mama ejai Musa, kobalas ebe,...

Alimor! Kosesen, "Kidiaka!" Itei ijo, ibore yenisodit ngin kanuka angaleu, alimor ber nasodit.

"Kidiaka isio naarai kipou enerata erono mama ejai Ejakait ka jo da; kilip Ejakait kolema imunwo kamakosi." Kilipak Musa itunga.

Kotema Ejakait Musa atiar, "Kosub emun loka akim, kibwaik kuju okitoi: kosodi kanen ngin yenetodio naeanyunia, ejari."

Kosub Musa emun loka aisinit, kibwaik kuju okitoi: kosodi kanen, arai etod emun itunganan kere, naesesenia emun loka aisinit kojari."

61 Kwana, bobo, akoto eong asiomun Ekokoro kotoma Sekaria, esula lo 12, ekokoro lo 10.

Abukokini ekek loka Daudi, ka luiboiete ko Yerusalem, emoyo loka asianut ka aingainga; esesenete Ngol loapotu kicumata: ibworos Nges, kwape ibworor itunganan okokuke loteluna, ekuudiani nges, kwape yenukudiani ekiyaike.

Kwanan kanuka akou naka akirot, alosi eong alemun na: Kiteluo Mama Ejai Yesu. Aiteluor awai kama ejaas akwapin kiton neejai Yesu. Abu Musa iswamau emun; ido kane abu enabi, ekaulo, enera nuka ngin, inyobo abu iswamaun, aiteluor mama ejai-ejai Yesu.

Abala Ebaibuli, kotoma Isaia 45:22. Ianyuni oni ebe abu Edeke kotema, "Kongoliasi mama Ajai, isangeta kere luka akwap." Ido kwana neadolokina akwap awasiake, arai bo ebe adoloki eswamae loka akwap awasiake, kiteluosi itunga mama ejai Ngesi.

62 Kwana ipedori aticepak atemar atiar, "Ipupunitor isio nu, atur kiton atur. Ipup isio nu adaun apak naepol." Erai ngin abeit, ido alimonokini ngun adaun apak naepol. Alemununu tu ijaanakinak luipu ikokoron lupelu, ilukumin luka ngul.

Konye ibore yen nges akoto eong aingit yes, atibong na, kanuka adakikan kanu adis nuetupakinete. Konye ingolia ijo, aingiset erai ebe-ebe, inyobo ianyuni ijo kingolia ijo? Inyobo ianyuni ijo ingolia ijo? Elomuni ibore yenimoot ijo. Ianyu? Kwana abala Ngesi ebe, "Kongoliasi mama Ajai, yesi isangeta kere luka akwap." Abu Musa ikajak emun loka aisinit, ido, idio kere yenangoliari, angaleuni. Kwana, elomuni ibore yenimoot ijo.

63 Aanyunitor eong itunga epote toma airiamun, ktoma apak kana nakawasia, epedorete aiboikin toma atukonokin kanu edakika ediopet bon arai iarei. Ngun bon kes epedorete kesi aitingikin. Itei ijo, mam epedorete atitingikin ngin.

Mam eong emurwokini, amuno eong ebe mam na itodiari idiotunganan yeniko lowa, neabu eong ajaar kede airiamun koibuga loka Waterloo.

Onac Lee Vayle, ajai ngesi ne atupuruc na. Mam eong ajeni arai ejai ngesi ne atibong na arai mam. Ijo ijai ne, Lee? Ajai ngesi ne atupuruc na. Eebo, kokau kalaije kotoma aiboisit naikamere atepun, kokau kane. Eebo.

64 Onac Lee kede eong apotu isio eswamata idiobore kere yenipedori. Kasodete ainakin atukos naka aijaanakin aiyengun, titai, kanu abunore lailo kasodete ainerakin kakes. Onac Lee Voyle, ejena, erai ngesi loesiomit ido-ido Doctor loka akiro nuka ediini, ebe abeit cut ebun ngesi kodum edigurike. Aso kanuka ngun abu eong atamite ainakin nges alimonokin mama ejaas itunga lu luka Lutheran, Presbyterian, kaiceda, konye abu ngesi kotema ebe, "Mam, ekotosi kesi ijo aswam ngun."

Aso, abu eong alot ngina kasodi alemun akakirot, koingaren naka ijaanakinak kalu, akaulo naka kes kere angetakin ainyam. Abu eong alem akakou naka akirot ebe: Mam Eong Abu Amengerik Aitapoet Nakotoma Akuj. Eroko ber eong esioma Naiwadikaere da, nepetai iarei apotu kongolenikinos, kolomarete kinga kokek. Kwape ageunia eong atemar ebe, "Kwape Paul kotoma apakike, kede aijaanakin naetegelikina, ido kwana ajai ngesi ebwoi koingaren naka Agiripa kosodi atentar ebe mam nges abu komengerik ngin," apotu iarei arai iuni konyoutu aibwo. Ido kotoma apak naadolokina eong alimun icebore yenekamunit ikokoron, ajaas nepetei iuni arai iwongon lueboiete kangina. Apotu konyoutu kere kosodete alosit.

65 Apolouke, erai, nges na. Ebuni icetunganan toma airiamun neepupunioto kesi nuka ekalimonokinan, eipone loenapiata ngul ejai icebore yenikamanara kede itunga. Arai mam kes enapete igoen luka eipone loibecokina, ice kotoma kakesi...

Abu eong apup etunganan loisisiat akiro nuka amisiikin adam naka etunganan ebala ebe, kapak kaya; Doctor Narramore, etunganan lokajokan, etunganan loerai Ekristayot, ejaanakin eprogramuke ko KAIR ngina, apak kere. Ebala ebe, "Eipone loka ajenun ebe ejai etunganan akekou amunaar, nges neemam nges enapia kwape ejaar adoketaitike." Ijeni ijo, nuka eipone loebeitor nges atakan kotunga, ebe ngin nges erai aanyunet ebe ejai etunganan ngol akekou amunaar.

Aso, do, arai bodo eong ebang aijaaraka kere bodo, itei ijo, naarai anapenenei eong imorimoria ka nginibore kere, itei ijo. Aso, ibecokina kede adoketaitika, ibusakinit eong ainap kwape etunganan loejaatar adoketait okanisa, kotoma akiro ace, araut e-etunganan loka adoketait okanisa.

Mam eong aomit bala anapit Yesu kwape etunganan loka adoketait okanisa. Anapit Ngesi bala etunganan lotai. Alosi Ngesi akidingos naka itunga, ido mam ainap arai idiobore.

66 Konye erai bon ngin, itei ijo, aomisio nuka itunga. Mam ngin...Dobodo arai ti etunganan lo, arai, mam eong ajeni arai ti doctor eomoom anyoika nuka nu, neaponi kicorakinere enabi kotoma Obaibuli alacar ikegoen kosodi alosit imujalal koingaren naka itunga? Abeit cut ti do ngol eraun ebang, biai mam ti nges eraun ebang kwana? Konye Edeke elimokini nges aswam ngun.

Ece abu oper kede esiep ediopet adaun ilapio akwatauni akaisaongon, acamunit eong ebe arai kwangin, koperi kosiepike, esiep ediopet; kosodi aibelokin loce. Kosodi ainyam kotoma atido naka amangor loabu ngesi iswamau kangina; ajai ngesi alosit kosodi ainok ekemangor kosodi ainyongun, nepepe, kosodi ainyam ngol apak kere; arior akan kosodi adongun edio kosodi ainyam, operi osiepike, kwape aanyunet. Ianyu?

67 Oo, eipone loepedoriata itunga alwaniar kama ejai, Akirot, alopet, naka Edeke. Esiomete kesi noi kiton neesiomariata kes akecewat awai kama ejai Edeke. Neinerar etunganan nuikamunitos ebe esiomit ngesi, ejeni eong ebe kwape kwangin elwanar ngesi kama ejai Edeke; itei ijo, ediguri loka doctor. Mam eong ajai alimun nu asurwokina Doctor Vayle, naarai mam nges erai loka eipone kwape kangol. Konye, duc, edumu etunganan ediguri loka doctor, erai ngin, kaneka, ebe alwaniar ngesi koipone kangol kama ejai Edeke, itei ijo, arai canat edongakin ngesi neejai Akirot ka mama ejai Edeke.

68 Kwana, idumuni oni ebe ice epote apupun eipone loinerar ijo, neeponiata kesi aanyun. Iner ijo nuikamunitos Aitangal naka Edeke ka Ejakait; arai mam etunganan erai loka eipone, loesiomit lokacoa, mam itunga epedorete atitingikin nges itwasamai akiro kwape nat, "mam, mam nges," ka-ka akiro kwape nat...mam...mam kes. Eomitos kesi ebe elwana ngin kama ejai Edeke.

Ido neabu Yesu inerar angajep napatana kwape kangin, kiton, lolo, itolitolikit itunga luesiomitos noi, naarai etamitos kesi ebe aijul ngin kwape ejaar eipone loka asioman ka angajep naka apak kangin, ido arai angajep naka orotin. Kanuka ngun...

Inyobo, ejai aitiaketait naepol karaida kane ko United States! Abu eong anyara anyoun ko Florida, kiton New York, ido ajai eong adumun aberu kalailo, da, ko St. Louis, kanu aijul kiding naka apese naka Angalakimak ka apese naka Agolitome. Eipone aitiaketait kangin nges ajai. Ianyu? Abeit cut.

69 Kwana ibore yenikamunit ngin nges, ebe emootos itunga iboro ngul, ineresinei, aiboisit naka Akirot. Akirot itodiaritai kotoma aitogogonget ebe erai Ngin abeit. Itei ijo, Akirot itodiaritai! Mam kes epote asesen Ngin. Ekoto ijo kojaatar aijen naka adam, kanu ajenun, alosit osomero loka ediini kosodi aisisia eipone loka aitukumonokin, eipone loka aibwo kotoma aiboisit adiopet, ka kere. Oo, epedori ti ngin aigit ejaanakinan, kiton atwanare, lo teni cut ilelebas kede Emoyo Lokalaunan. Ianyu? Kwana, erai ngin aijen naka adam.

Ido eipone ngol nges ejaar akwapuwok na. Ejaatar aijen naka adam kanuka Kristo. Ngin nges emootos kesi. "Ido arai ejai Kristo tomakon, ebe ekoto ijo korai loisiomit, ekoto ijo korai loijaatar aijen," naarai ngol nges eipone loewomitotor kesi ebe ejaar Kristo.

70 Ido apak ace, icebore, iswamaunete kesi aomisiiokec ikulepek nuka loebait Nges korai, aomisioitikec ikulepek, aiboisit naka ayangar nuabala Akirot. Erai kwangin nakeseseniata kesi, ido karaida keanyutu Yesu Kristo elopet, ekurwokinete amisiikin Nges. Apotu kiswamata ngin kotoma apaaran nako Pentekosit. Apotu iswamata ngun neajaar Ngin toma akuan. Apotu kiswamata ngun neajaar Ngesi atuba. Apotu iswamata ngun neajaar Ngesi orotin luko Yesrusalem. Apotu kiswamata ngun neajaar Ngesi omusalaba. Ido arai Ngesi aitodolikinet naka Akirot kangin. Ido, kereka, ajaatar kesi Mesia ijusun kwap kotoma okorido lokotoma Akuj, ka nginibore kere, ido ebucara, naarai arai amisiikinikec naka adam. Kosodi akurwokin kes aanyun Ngol, ido, kosesenete cut Nges. Kwape kwangin ejaar lolo da!

71 Inyobo ianyuni ijo kingolia ijo Nges, emootos ice aanyun, nakengoliarata kesi Ngol, emootos aanyun ekapwakunan ece lokapolon loka ekanisa, icetunganan yen cut teni epedori aitolomun etal loidupori itunga kere abunore neejai etal lo, icebore arai yenice. Ngun kes emootos kesi nakengoliarata Ngol.

Ice emootos aanyun aibe, bala kwape aputosia nuka ebaga nuenyaritai Santa Clause,

nakengoliarata. Esiomete kesi Ebaibuli, kosodete atemar, "Ah, erai ngin ibore yenemamei. Erai ibore tai yenabu etunganan iwadik. Ngini nges, naarai neiswamata kesi..." Aomisiot anyoin ijaatar ijo kanuka Ebaibuli, ngun kes iyangari ijo kanuKe. Ianyu?

Ice emootos aanyun ikoku. Ice engoliarete kosodete aanyun i-ipoo arai aputossia nuka Santa Claus. Ice engoliarete aanyun eceitabo loka akiro nukolo nuaraas nuka bian ido mere nuka lolo.

Konye, aingiset erai ebe, inyobo ianyuni ijo kingolia ijo?

72 Luipu kotoma kayesi, luibalas ebe ijaatar Emoyo Lokalaunan, ingoliarete kosodete aanyun etunganan lokiareit loka tiriniti. Komam ber elimunitai ngin kotoma Obaibuli. Emamei ibore kwape kangin. Akirot ngin ebe tiriniti emamei ber karaida kotoma abuku naka Ebaibuli. Konye, kereka, nakiseseniata yesi Yesu, ibalas yesi ebe erai Ngesi etunganan lokiareit loka tiriniti ido ngin nges apolou einakit yesi mam idolete nenidio.

Ijenete yesi nuabala Ngesi? "Arai Eong Edeke, ido emamei bobo ece kidimarai Eong." Ianyu?

Elomuni ibore yenijai ijo asesen. Arai ikoto ijo aibwaikin icekoku yenerai ejenunet, epolon loemojongit kede amasiribun, kaceda; arai erai eipone ngol nges isesenia ijo Yesu kwape araut etunganan loitegelikina kama ejai Edeke, iseseni ijo erono. Mam ijo ianyunit Ngini.

73 Kane pac, kijaar eong agalibidin. Ajai eong atamit asesen ace-amiam, arai amiam kalaije komanikor. Ido atamit esapataka aitodikin eong, ido edit ngesi mot. Aso abu ngesi kotema ebe, "Konapak alabiroi ngun, papa! Amiam ngin ebwoi kanen, cut kokinga kangina!"

Eong ebe, "Apedori eong asesen nges kede akakonye."

Ebala, "Konapak agalibidin ngun."

Neabu eong angoliara, abu eong aany nepetai amiamian atomon, konye mam alabiroi etebeikina toma. Ido nealosio eong aitebeikin ngun toma, kere atomon nuka ngun apotu koraunos Adiopet.

Ido arai kitebeik ijo akoniwomisiio neejai Akirot naka Edeke, eraunos iuni ngul Ediopet. Ianyu? Konye alabiroikus nuka ediini ijangaros awai neitamia ijo aitarau Nges iuni. Erai Ngesi Ediopet. Ianyu?

74 Ido elomuni ibore yenijai ijo asesen. Inyobo ianyuni ijo nakingoliara ijo? Kiitu, ipedori bon ijo aanyun Nges kwape kisesenia ijo Nges kotoma Akirot. Mam ijo ipedori asesen Nges kotoma oitabo ece. Mam ijo ipedori asesen nges kotoma otal. Ianyuni ijo idekesio iarei arai iuni, ka icebore kere, kotoma otalesio kangul. Konye kosesen Nges kotoma Akirot, ido ibuni ijo aanyun ebe erai Ngesi "Immanuel, 'Edeke eraun akuan kakidingotowok.'" Abala Ngesi ebe, "Arai Eong Edeke, ido emamei bobo ece kilema Eong." Erai Ngesi Edeke.

75 Abu Isaia kosesen apak adiopet, enabi, ido neaanyunia ngesi Yesu...Erai akakou naka akirot ebe, "Asesen mama ejai Yesu." Kiteluo Mama Ejai Yesu. Neabu Isaia iteluro awai kama ejai akwap, kanu aanyun Nges, abu kotema atiar, "Aany eong Ekapuron akiro, Ekabaka loka Ainapakin, Edeke lokapedorosio kere, Papa lomam Edaun." Ngun nges abu Isaia iteluo kosodi aanyun.

Daniel, kapak adiopet, ajai ebwoi neabu ngesi koanyuna awasia naka akabakanuto nuka Imo. Abu koany aput nabu Nebukadenezar kirujate. Abu koany eipone loabunio adiopet aburokin nace, kwape ejesunotor kesi kwap. Ido nakengoliara ngesi kanu aanyun nuapote aiswamaun kere kangeset, neabu koanyunia Yesu, arai Ngesi, Amoru napakunitai komoru, komamei akan," nabu kidecideca akabakanuto nuka Imo.

76 Abu Nebukadenezar kocakak idwe iuni luka Iburanian toma oupa loka akim, lueyuunitos Edeke kosodete aibwo kotoma Akirotoke. Arai abeit kes atwakare kanuka Ngini, aloseite kesi aibwo, kwape kwangin; ibore ngipengin yenididi yenakukokin akecekungin koiponece. Konye neabu ngesi kitelurio kosodi aanyun Yesu, arai Ngesi, etunganan lokiwongonet" loajai toma oupa loka akim, ido abu kiriebo akim awai kama ejaas ibulesiniKe luerimaaka. Ngun kes abu Nebukadenezar koany.

Abu Esekiel iteluo kanu aanyun kapak adiopet, ido arai Ngesi "Anamusiga kokiding naka akokoro," kokuju kakidingot naka ekwam. Arai Ngesi ewoowa mama ejai akokoro, loeyenikinio nginipirit kere toma. Amen! Akeri akokoro naati kanuka aiyuun, konye Akokoro ngin ebelonokin kanuka Apedor naka Ejakait. Ngol nges abu Esekiel koany neabu kiteluro.

77 Abu Yokana Ekebatsan iteluo kapak adiopet, ido, neetelurio, abu koany Ajele; ka Eporoto, inera ebe, "Lo nges Okokuka lominat loalelikinit Eong aiboi kotoma." Ngun kes abu ngesi koany. Aso, abu ngesi koany Yesu ka Edeke kwape eraar Etunganan ediopet ngopengol, naarai abu Emoyo ijesun kwap kotoma Akuj bala Ajele, kobala ebe, "Lo nges Okokuka loalelikinit Eong aiboi kotoma." Ngun kes abu ngesi koany. Koany, itodianar Ngesi koipone kangol.

Noa, neabu ngesi kiteluoro kosodi aanyun Nges, abu Noa koany itubesia luka Edeke eponikinitos itunga luka akwap luapotu kongeroto Akirotoke. Ngun kes bu Noa kotema neabu ngesi kiteluoro.

Musa, neabu kiteluoro, abu koany ekiot enokie. Epir loka Akim abu kobongunite toma okitui, ido, neabu Musa ikunyakina osiep naka Ngol, abu kotema atiar, "Kolaca akonimuk, naarai, 'AJAI.'" Kwana, korai ti ijo aining akirot ngin, ebe, "AJAI," Lomam Edaun! Ianyu? "AJAI," abu koany "AJAI." Ngun kes abu ngesi koany kotoma okiot loanokie.

78 Abu Isirael kosesen emun loka aisinit loabu Musa kosub, kosodi aanyun ican luka Kristo kanuka etube kanuka lukadekak, naarai ijeni oni ebe enera emun nuka Alucet.

Arai Yesu Alucet. "Kwape abu Musa ikajakina emun loka aisinit kamoding, kwape kwangin ibusakinitor Okoku loka etunganan da aikajakinio," kanuka alosikinet kangipekangin. Ianyu? Inyobo? Apotu kodiakasi, kosodete adekakin; arai ngin kanuka alemario awai naka adianaretakec ka kanuka adekakec. Ido ngun kes aponi "Yesu komacarai kanuka numam adolitewok; ikemacarin kes itangaleunete oni." Kilema ijo Aitangal naka Edeke awai kama ejai Kristo, itubi ijo Alucet araun atutubet, irwanaarei. Ianyu?

Inyobo ianyuni ijo kotomaKe kingolia ijo? Ijo ianyuni ngun? Ijo iseseni ngun, "Aponi Nges komacarai kanuka numam adolitewok; ikemacarin kes itangaleunete oni?" Kiteluo ijo, ijo ipedorit aanyun ngun, arai bo ipedorit ijo aanyun esiep ediopet bon loka Alucet? Ijo ipedorit asesen isiepon iarei kere kingolai ijo?

Arai isesen ijo ngin kotoma otal, epote kesi alimokin ijo ebe, "Atuboros apaarasia nuka aitangal."

Konye kisesen ijo ngin kotoma Akiro, ianyuni ijo ebe, "Ngesi ngopengol bian, lolo, ka ikar kere." Ianyu?

79 Apotu ikiyakia kosesenata mama ejai Ngesi neajaatar angolol nagiro, kosodete kesi angoliar aigange adiopet bon napedori aingarakin kes, ebunit.

Abu Marita kiteluo mama ejai Ngesi kotoma apak naka atwanare, ido abu ngin koany ebe arai Ngesi "ajarun ka Aijar." Amen! Kotoma apak naka atwanare, abu Marita koany, neabu kiteluora neajai Ngesi... aponi Nges kongeroi itunga luka aberu kangin; aponi Nges kongeroi; abu, ngin ijukak Nges akiro, ido mam Nges abu kobu neejai onaceka. Konye neabu Ngesi kobunio awasia, abu ngin kolot kosodi aibirokin kwap tetere eseseni Nges, abu kojen ebe arai Ngesi "ajarun ka Aijar." Amen!

Abu Yairo iswama ibore ngipengin, ekeyuunan loka aiyeiyea; loka Presbyterian, Methodist, Baptist lo cut eyuunit teni, konye mam apedori abunore, kanu naarai mam ediinike apedori acamakin nges, naarai ti irengear nges. Ajai ipeseke eperi kotoma adoketait naka atwanare, ido ajai nges alosit. Konye nakedumunia ngesi Ngol, abu kodum ebe arai Ngol ajarun ka Aijar.

Nakenyaraaria ngesi Ngol, abu itunganan kobu ekeri kobala ebe, "Mam itapasi Ejakait, naarai adau ikoku atwanare." Ngesi...Kosodi eketau nepetai adungior.

Konye abu Ngol kotema atiar, "Mam kereka eong abala ebe, 'Arai bon kiyu ijo, ianyuni ijo Aibuses naka Edeke?'" Abu Yairo kodum ebe apedori Ngesi aitajarunun lukatwak, naketeluoro nejai Yesu.

80 Apotu luayarit etengei kiteluosi neajai Ngesi, kosodete adumun inyamat luka ajar. Luaraas luka akuan. Luayarit etengei, lokomoyo, epedorete aiteluor mama ejai Ngesi kosodete adumun ebe erai Nges Emugati loka Aijar.

Abu ekokolan loajai atwanare kiteluo kanu aanyun ibore yenapedori ngesi aanyun, kosodi adumun, kotoma Yesu, akeitimio. "Kiitunoi eong, Ejakait, neibunio toma Akabakanutukon." Kotema Yesi atiar, "Lolo ijaunos ijo Keong Paradais." Ngun kes abu ngesi koany kotoma osawa loka atwanareke.

Apotu lukadekak kiteluosi mama ejai Ngesi, kosodete aanyun Eketangalan. Apotu imudukiok kiteluosi, ido apotu kopedosi asesen.

Elomuni do ibore yeniseseni ijo kwana. Inyobo iseseni ijo?

Apotu Petero ka Nasanael kiteluosi, kosodete aanyun Akiro, naesumunikitai naka enabikec, Musa, itodiario. "Itonyoikini yesi Ejakait ekusideke Enabi loeputosi keong, ido mamaKe nges egongakinos itunga. Ido kere lumam iyuunete Nges, ka aiirar Enabi ngol, elemario awai kama ejaas itunga."

81 Ido neabu Petero kolosio toma Akonyeneke, abu Yesu kotema atiar, "Ekonikiror Simon, ido irai ijo okoku loka Yona." Abu kojen kanepakanen cut, neangoliara ngesi irwan nasodit neejai Yesu, ebe arai ngin aitodolikineta naka nuabala Akiro, naka Edeke ebe abuni Ngol aswam. Amen.

Mam eong ajeni arai ibu ijo da kodum ibore ngipengin apak nabu ijo kongoliara Nges irwan nasodit? Mam eong ajeni arai abu Akiro, naesumunikitai kitodiar mamakon kapak nabu ijo kongoliara Nges?

82 Nasanael, katipet nakedolunio Akonyen nuka Yesu, mot kotoma abuonokin...Idumuni oni ebe abu Pilip

kolot kosodi alimokin nges ebe, "Kobua, koany Loidum isio."

Kosodi Nasanael abunore, kosodi atemar, "Ingai bo Ngesi?"

Ebala ebe, "Aticepak ngesi ngol ejai kuju ngin ailipanakini lukadekak."

Abu koridar kiton adolokin angoliar Nges. Ido nakengoliara, abu Yesu kotema atiar, "Koany etunganan loka Isirael obe loemamei aimod."

Ebala ebe, "Ekesisianakinan, wori bo kianyunia Ijo eong?"

Kotema nges atiar, "Eroko Pilip kenyaunia ijo, nakijaar ijo kwap naka ekitoi, abu Eong aany ijo."

Aso inyobodo abu Nasanael kodum? Abu kodum ebe arai ngol Ekabaka loka Isirael. Ebala ebe, "Irai Ijo Okoku loka Edeke. Irai Ijo Ekabaka loka Isirael." Ngun kes abu ngesi koany nakengoliara. Abu kodum aijulunet naka Naiwadikaere, eyangaunio cut ngareneke. Abu koany, Naiwadikaere ngipengin nabu loenyonyokinitai Musa kobala ebe, "Ebuni Ngesi araun Enabu loeputosi kwape keong."

83 Aberu naka atan, abu kongolia kapak adiopet, ido inyobo abu ngin koany? Abu kitodia ngun koibuga. Abu aberu ngin kotema atiar, "Kopotu, koanyutu Etunganan loalimoki eong akiro nueswamat eong. Mam kereka lo erai Mesia?" Kapak nabu ngin kongoliara Yesu irwan nasodit, abu koany Mesia.

Epedorete itunga asesen ibore ngipengin lolo, kosodete anyara Ngin ebe, "ikerep luka adam." Enyaritos Ngin ebe, "imoyon." Enyaraete Ngin ediopone kere loka ekiror loka ajokit loepedorete kesi anyara Ngin, naarai mam ejenete ibore yenemootos. Amen. Mam kes emisiikinitos. Emootos kesi etal. Emootos kesi etunganan lokacoa naepol kanu aibwaikin ekanisa toma ainapeta. Emootos imeeban luipu, kosodi akurwokin kes aanyun Ejakait Yesu Kristo loisirerengittoi kotoma Akirotoke naitodiaritai. Eebo.

84 Elomuni ibore yenimoot ijo. Arai imoot ijo aitodolikinio naka aisumunet lolo, ibuni ijo aanyun. Konye, arai imoot ijo acecoa, arai icebore yendiduc amootos kesi, ekapwakunan ece lokapolon, ecetunganan loejeni akiro nukolo, ecetunganan, icebore, ikurwokini ijo aanyun Ngin. Konye kisesen ijo Nges kotoma Akirot, elimorit Akirot Loerai Ngesi.

Abu Ngesi ining itunga luka apakiKe aswam ngupengun. Mam apedorete aanyun Nges. Ebala ebe, "Yesi ingarenok lumudukioke loingarenikitos imudukioke. Ibalas yesi ebe erai Musa enabikus. Korai yesi ojenete Musa, ti yesi ijenete Eong. Abu Musa iwadik nuikamunitos Eong." Ido amudukaka kesi noi kanu aanyun Ngin. Asesenete Ngin cut, ido komudukaka kanu aanyun Ngin.

Ajai eong arucokin ngin "amwekemwek," atupuruc na, adaun adagikan adis, itei ijo. Esesenete kesi, ido komam ejenete ibore yenemootos, naarai ejaatar kesi aimisiikin nakaronon naka ibore yenetamitos kesi amoun. Eipone ali ipedoria ijo ajenun ibore yeniikoto ijo adumun, arai mam ijo ijani ibore yenijai ijo amoot?

85 Eipone ali ilosio ijo amoot esuujo, ido komam ijo kinyunitor ido komam ipupunitor nuikamunitos esuujo? Eipone ali ilosio ijo amoot watermelon, arai mam ijo inenunitor ebe ejai ibore kwape kangin, ka eipone loeputor? Inyobo, ipedori do ijo adumun akalaya, kosodi aomit ebe erai watermelon. Ipedori ijo adumun icebore yenegelara, ipedori do ijo adumun amatapalit, kosodi aomit ebe erai watermelon.

Konye ekoto ijo ojani ibore yenimoot ijo. Ido eipone ediopet bon loepedoria ajenun ibore yenilosio ijo, ibore yenimoot ijo; arai imoot ijo Yesu, erai ijo asesen mama ejai Akirot, naarai erai Ngesi Akirot. "Ngul kes kitejenarito Nukang. Komoat Nuiwadikaere."

Ibalas yesi ebe...iraas iyuunak luka inabin, konye iraa yesi luka papakus ajokit. Luka papakus, luabalas ebe; neejukunia Edeke inabin mamakec, apotu kibwanakisi ngul atesin. Apotu-apotu koyarata inabin. Ngolidiopet loabuni," abala Yesu ebe, "Anibo kotoma ngul lomam luka papakus apotu kibiribiroto? Ido ipote yesi da aswam aswamisisio nuka luka papakus." Amen! Ikadolitok, itunga lukalaunak, etunganan lomam ijo ipedori aidod ekonibokorit mamake, konye kereka abu Ngesi konyara ngul ebe "imunuo ka ajokin." Ianyu?

Inyobo imoot ijo? Arai imoot ijo ecetunganan loebonot? Icetungan eomitos ebe naarai abu Emoyo Lokalaunan iswama kotomakon, ekoto do korai ecetunganan, ekesa loibonot, alosit ido mam karaida... Mam ngol erai Emoyo Lokalaunan. Mam Edeke iswamai kotoma omalaikan koipone kangol, arai bo mam ebeit da. Iswamai Edeke kotoma otunga. Abala Ebaibuli ebe "Arai Eliya etunganan loka eipone kwape kaoni," konye mam ijo ipedori ajaun kanges kiton kiany ijo Yesu.

86 Petero ka Yokana, korute loanyaritai Lokajokan. Ido naeriuniata kesi ngul kuju ngina nuikamunitos aitangaleun etunganan ngol, "Apotu komisiikisi ebe mam asiomitos, komam isisiatos, konye apotu bobo komisiikisi ebe ajaas ka Yesu," itei ijo, naarai etodiara Ajarake kotoma ngul.

Kwana, elomuni ibore yenimoot ijo.

87 Abu aberu ngin kosiomite Ebaibuli. Ajeni ebe abeit Mesia abunore, ido ajeni nuabeit Mesia ngol aswam. Ido napelimokini Yesu nges ebe, "Aye akipi amat."

Abu kotema atiar, "Mam einono ecamakit." Erai ngesi Etunganan lotai.

Kwana, korai ti Ngesi kojauna ngina iboie konapite akopiira naati nakapolon, ka iponesio kere luka iboro luketiai kamaKe, luka-luka etunganan ece lokalaunan, inyobo, ti aberu ngin etema atiar, "Ijeni ijo, esasedoti ngol," kosodi alosit ngaren. Arai ebe, "Erai ngesi eiponece loka ekesisianakinan," kolosi ngaren.

88 Ejaanakinan, icebore arai yenice; abu eong aany etunganan ebuni ainyam, lolo, aiboisit nabu eong alot ainyam. Kosodi ekesa ngol alomun toma, anapit ngesi-ngesi imusalaban luepu kamake; erai ngin ibore yenejok ecesawa ikesa ngul ajaut kede ngul. Aomit eong ebe ibusakinit ijo kojar aijar. Mam eyangaikini ijo ainap inapen luka itunga lukapolok, kanu ijo aitogogong loirai ijo. Icesawam emasete kesi, kosodete aswam iboro lukaronok noi, ka aimat esigala, ka nginibore kere, ejai kes ainap inapen luka itunga lukapolok okanisa kanu ajenun ebe eraas kesi ijaanakinak arai mam. Abeit ngin.

Alimokini eong ijo, inapen lokapolok luebeit itunganan ainap nges aibatisao naka Emoyo Lokalaunan. Ngol nges ebuni aitodiar ijo kwape loijaaas ka Yesu. Abeit ngin.

Kwana, idumuni oni, ebe, elomuni ibore yenimoot ijo. Loenapit ejok, kitubusiaritete ejok, eiponece loka akopiira; mam ijo cut ibuni aanyun Nges, naarai arai Ngesi Etunganan; lotai. Iswamanaros Edeke kede etunganan. Arai Yesu Etunganan; ajai Edeke toma Otunganan, ido arai Ngesi Edeke.

89 Kwana, idumuni oni ebe aberu na, neabu koanyunia aanyunet na nakaumokin, ebe apedori Ngol alimokin nges akiro nueswamat ngesi nuaroko, arai bo nuajaas toma otauke, abu orasak ajenun ebe arai ngol Mesia. Aso neabu ngesi kongoliara Yesu, abu koany Mesia.

Mesia, ani bo araas aswamisio nuka Mesia? Apedorit ajenun aomisio nuka etau. Biai ngin abu ikam ijo ejok? Mam eong ajeni arai ibuni ijo amisiikin. Korai ti ijo aimo Nges, atibong na, inyobo ti imo ijo? Ti Nges erai ngesi ngopengol. Mesia nges Akirot, Akirot! Ido abala Ebaibuli, kotoma Oburanean esula lokiwongonet, ebe, "Akirot naka Edeke ekwana adepar ekileng loka iwaitin iarei, etiaki akoit, ido emisiikini aomisio nuejaas toma otau."

Ido neabu ngin kojenuna ebe abeit Mesia araut Akirot ngin itodiaritai, ido apedori alimokin nges ibore yenarono kede nges, abu kojen ebe arai ngol Mesia. Mere eipone loenapitor Ngesi, mere arai asioman naitia ai ajaatar Ngesi; konye, kanuka aanyunet nabu Ngesi kitodik aberu ngin, arai Ngesi Mesia. Neabu ngin koanyuna Yesu, abu koany Mesia; Edeke kotoma Otunganan, kwape esumunikitere kanuka atur kangin nainyonyokinaitai.

90 Konye ijeni ijo inyo? Luipu, luka aturio kangupekangun luabu eong ener nukec, mam apotu koanyutu ibore ngin. Luipu kotoma kakesi mama apotu koanyutu. Kwape kwangin lolo da. Mam luipu apotu ojenutu Musa. Mam luipu apotu ojenutu Eliya. Luipu mam apotu ojenu-...Mam emisiikineti ngul kiton adautu anyoun, kojenunete do.

Abu lomam eyuunit koany, kotoma apaarasia nuka Noa, bon inyobo abu amamus aiyuuun kosesen? Alimok eong yesi ibore yenapotu lumam eyuunitos koanyutu. Kotoma apaarasia nuka Noa, inyobo apotu lumam iyuunitos koanyutu-kongolia kau ngina neapotu kesi kongoliarata? Apotu koanyutu "etunganan loka ikerep, ibucarit kotoma nuikamunitos ibore yenanyaritai ebe ataker." Ngun kes apotu kesi koanyutu. "Ecetunganan loemojongit loemunaara akou kede amasiribun nuakwangak, loabu akekou komunaara, ido, kongolopasi kede aingic ka aitogogonget naka science, ebalala ebe, 'Ejaas akipi kuju ngina.' Inyobo, ekesa loamojongit lokiican!" Apupete kesi aitimosit kanuke. "Atubor kama ejai ngesi; ngesi, eyapie nges alimorio kwape loemunaara akou. Amunaar nges akou."

91 Konye ajaatar ngesi Akirot naka Ejakait. Ajai ngesi adukun erot, kotomake, ido ajai Edeke aitodun aitogogonget ebe ajai akalele ebunit. Arai aanyunet mama ejaas kesi. Ngul lumam apotu iyuutu akirosit naka Noa apotu kooliosi toma amuton, kosodete angetakin kotoma atwanare, kotoma akipi, ates naka okatwak.

Parao, abu kongolia kapak adiopet. Inyobo abu ngesi koany, inyobo abu Parao koany? Abu koany etunganan loamunaar akou, loanyaritai ebe enabi, kede aibe naepol naka alakunio." Kesi ngun kere nuabu ngesi koany; ekecakan alupot, ebulesit enyouni aibwo kakidingot naka itunga, ido kobala elopet ebe ejukunit nges Edeke aswam nukapedor. Inyobo, aomitos kesi ebe abu ekesa ngol akekou komunaara... Ebalala, "Kolototo koinakisi nges ekosio. Ebuni ngesi...Aponio alimor nges kwape loemunaara akou," akaulo naka ipak yenedit."

Konye ajaatar ngesi EBALALA EJAKAIT KWANATA. Ikeyuunak, Aaron, Yosua, ka luipu kotoma ngul, apotu koanyutu Edeke kotoma Musa. Ka aswamisio nuka Edeke kotomake. Apotu kosesenata kosodete aanyun Edeke kotoma Musa.

92 Abu ekabaran kosesen kosodi aanyun cut becebec Loarai Ngesi. Ianyu? Konye abu konger atupakin Nges, naarai amina ngesi iboro luka akwap, noi noi, mam apedori atupaar Yesu.

Imwaasi ai itunga lukabarak epupokinete atepu na, luka eipone kangol! Mam duc erai ebe ekoto ijo obarite kede isirigin; mam, ipedori ijo obarite eimiel, obarite aitelelio naka aijar kana. Ikiliok imwaasi ai, apesur amwaasi ai, ido itelepai imwaasi ai, mam epedorete agwelar ajenarakec naka akabaka ace naka aelo, arai araman ece loedakit arigigi arai ajita, alosit kinga kosodi aisial emiusik ece loka rock-ka-roll, arai aikosi ace naepedorit ngesi aswam! Imwaasi ai kakesi inerasi nuka abarakec ka ajenara, kosodete ainger, nakiboikinotor kesi toma airiamun kosodete asesen Akan naka Edeke iswamai kosodi aitodiar Akekirot! Imwaasi ai epote aswam ngin!

93 Abu ngesi kosek ekediini. Apedori ngesi aijar kede ngol. "Arai Yesu loka ikerep," kama ejai ediinike. Aso ajai nges ayangar arai nuabala Yesu, arai mam do ajai nges ayangar...

Inyobo mam nges alosio neejai esasedotike, kosodi atemar, "Eswama anyoika tetere adumuni Aijar Namam Edaun?" Ajeni ngesi ebe mam esasedoti ajeni idiobore yenikamunit Ngin.

Abala Yesu ebe, "Koric aicorakineta." Abu kocakak ngin cut ainyakar toma akanike.

Ebala ebe, "Eswama eong nu."

Ebala Ngesi ebe, "Koric aicorakineta." Aso, aroko ngesi emameotor Aijar Namam Edaun, ido ajeni ngesi ebe amameotor. Ipedori ijo aricit acorakineta kere, ido komameotor Aijar Namam Edaun, ber.

Aso abu Yesu kotema atiar, "Ido arai ikoto ijo aswam nukajokak, kolot ogwela luijaatar ijo, kosodi ainakin lukican. Koby, kotup Eong."

Konye alangir ngin noi kanukeng. Ianyu? Idumuni oni ebe abu ngesi kongolia kosodi aanyun Loarai Ngesi, konye kereka abu konger ayangar ngin. Ido angoliarike natupakini arai okatwak, abu kongolia kaju kosodi aanyun Lasaro kotoma atorob naka Aburaam.

94 Abu Pilato kosesen, kapak adiopet, neaponi koyagaunere Nges. Mam nges aanyunitor Ngol lem. Koenitete Akekanin; kolelete aokot kopuraKe; aboko naka ikukwa kokuju akouKe. Abu Pilato kosesen, kosodi aisimonikin.

Naarai abu, asigiria koby ekeri korot, kosodi loetekeru asomun kwap, kosodi akerun kosodi atemar, "Kane, ijukakit ijo aberu ebalua."

Ido abu ngesi kosesen ngol, ido abala ngin ebe, "Pilato, okilenika lominat, sirikiswamaik Etunganan ngol idiobore, naarai lolo eticanun eong kede iboro luipu kotoma airujasit kanuKe."

Abu ngol komaran. Apotu akekungin aretonokinos nepepe. Kosodi atemar, "Arai irai Ijo Okoku loka Edeke, arai irai Ijo Ekabaka, inyobo mam Ijo ilimoror? Ijo irai Ekabaka loka Isirael?"

Ebala ebe, "Ijo ibala."

Ebala ebe, "Kolimokinai isio abeit."

Ebala ebe, "Kanuka ngun nges aurunere Eong." Kosodi Pilato aumokin. Nges...

Kere, nginitunganan, engaingai ido komonyi kakejeneke. Ebala ebe, "Kijaar eong apedor naka aiyar Ijo, arai bo kijaar eong apedor alacakin Ijo."

Ebala ebe, "Imameotor ijo apedor naka idiobore, kidimikito arai einakinitai ijo Papaka." Otukui!

95 Ipa, esimonikina ngesi ebe adeparit Ngol etunganan. Esimonikina ngesi ejok cut noi ebe adeparit Ngin etunganan. Abeit cut, esimonikina ngesi. Konye (inyobo?) epugaeke ka ajenara apolok noi. Itei ijo, mam apedori acamun etunganan lo loka ikerep.

Mam eong ajeni luka Pilato imwaasi ai epote apupokin nu, ido ebe ebuni adoketaitikon naka ediini araut naepol noi, kanu ijo acamun Ejakait Yesu obe ebwoi kotoma adoketait naejai Ngesi lolo.

Esirikalet loka Iromayon, komusalaba, abu kosesen Yesu.

96 Akaulo nabu akwap kojaunor kede amaran naekiara noi, abu ijangijangun kiton amor apakunon kotoma omor. Kosodi akolong olumoro kiding paaran, kosodi amutonor mam aacer apotu kolomutu kosodete aijaikin aicakec. Kosodi akwap abwangabwagaun kede amor ka amaran naka akwap. Kosodi eimil loakudukudo airiamit akuj; kosodi aicil aimukoret naka oyekalu anyoun kokuju kiton kwap. Kosodete, itunga akerit ido iluluete, mam ajenete nueswamauna.

Kodosi esirikalet ngol lorarai Eromayot loabu ingarak aibubukin Nges kangina, abu icumak ekileng toma otouKe, kosodi aanyun, konye eyapit apak. Abu kosesen kosodi aiyuun, konye eyapit apak noi kanu

nges aiyuun. Nuabu ngesi kiswamate abu odau aipucakin amudiarieke; abu icumakite emacar toma otau loka Eketajaran. Adaunit apak aiyap.

97 Mam eong ajeni arai Iromayon imwaasi ai lolo eswamata ibore ngipengin, ido idi epote aswam ibore ngipengin. Ipedori ijo aanyun, acepaaran, konye aticepak edumuni iyapit apak. Luipu luka lolo epote alomun toma apak ngin kosodi ajaun koipone kangone ngopengol.

Onac Wood lo; bian. Alimuni eong nu naarai erai toma Aisiraret na. Kokwap kalailo ko Slider Comapany, ebu etunganan loka Atulik loiboie kane. Abu ngesi kolot alemun amor nuinyalakitai esimit kanuka ekanisa kalo, ido, nakelosio ngesi, abu ngesi kolimok ngol aiboisit naakotor ngesi ngol. Kosodi etunganan loka Atulik atemar, "Biai Onac Branham cabu ngol?"

"Eebo."

Ebala ebe, "Abuni eong alimun ibore idiopet; kilip ngesi, ebongonokini Edeke akeilip." Ianyu?

Koumuk ber do ijo, aijen ngin, asesen aitodiaret ebe erai ngin cut abeit Eijiri, mere eong; eidiotunganan loebwoikinit Kristo. Erai Akirot nges inera oni nuke, mere etunganan.

Nuatamit eong alimun? Nges na, ebe, esesenete kesi cut ejok Akirot naitodiaritai, bala kwape abu Pilato ka luce kere kiswamata, kwape esirikalet loarai Eromayot, konye ijo ilosi aidareun kiton apak atubor kanu aismamaun icebore yenikamunit ngin? Ti nges itwasamat emacar koipone kaloce. Eponio ikekia agolokin, kwape ajaar kapaarasia nuka Noa, kwangin do ebuni apak atubor. Aticepak ikwenyuni ijo atupuruc ace, kosodi atemar, "Apeleikinit eong anyoun awai kama ejai aitolitoluna na." Mam idari adaun aojau. Ejok ijo angoliar kosodi aijar kwana.

98 Abu Luther kiteluo awai kama ajai ediini loka Atulik. Inyobo abu ngesi koany? Apir loka Akim. Abu koany ekanisa loabwoi kanuke bon.

Abu Wesley kiteluo awai kama ejai ediini loka Igeresan. Abu koany ibore ngipengin.

Abu Pentekosit kiteluo awai kama ejaas idiinin kere. Ido inyobo abu ngol koraun? Itunga lukapolok lukagogong.

Inyobo abu nginidiopet kakesi kiswama? Neapotu ikageunak, Luther, ka Wesley, ka ngul, kosodete kesi angoliar awai kosodete aanyun ibore yenapotu kesi kiswamata kosodete ageun alosit; ikecedwe, loapote kokaukec, apotu kongoliasi kau neaponiata, alomun kotoma odiini, kosodete ainyakar atukos ngin naka itunga cut kau toma aitolitoluna napotu kesi kolomutu kotoma.

Inyobo iseseni ijo? Asesenete ikageunak ejok. Konye itunga, luetupakinete kes, apotu kongoliasi kau neapotu ikageunak kolomutu kotoma, kosodete aswam cut becebec nuetepegitos ikageunak; ekanyonyokinitono loka Edeke.

Ijeni ijo, ekoto eong aisuburikin, naarai kijaar eong ekokoro loka ailipanakinio ebunit, ido ajeni eong ebe luipu kayesi ebeit alosit.

99 Apaaran adiopet abu eong asesen. Abu eong aany Akirot eraun akuan. Abu eong aany Alpa ka Omega. Mam eong aanyunitor iuni, arai iwongon, arai ikany; abu eong aany Ediopet. Abu eong aany Nges kwape Eketajaranika. Abu eong aany Nges, Akirot. Abu eong aany Nges, Aica. Abu eong aany Nges, Edeke Lokapedor. Abu eong aany Edeke kotomake. Abu eong aany Epir loka Akim. Abu eong aany Edeke kotomake, cut becebec nuabala Ebaibuli ebe arai Ngesi. Abu eong aany ebe arai Ngesi Alipa ka Omega, ebe arai Ngesi Epir loka Akim. Arai Ngesi nges ngopengol bian, lolo, ka ikar kere. Abu eong aany ebe abala Epir loka Akim, mama ejai Yokana ebe, "Ajakutuke namam ekurwonori." Kwape abala Ngesi kotoma Yokana, kalaije, "Ajakutuke namam ekurwonori mam ijali ijo." Onac akaomisioit atibong na, awoere ekosio ngol:

"Kongolia kosodi aijar," onaceka, kojar,
Kiteluo neejai Yesu kwana kosodi aijar;
Naarai iwadikatai toma Akirotoke, alleluia!
Erai bon ebe ijo "angoliar kosodi aijar."

100 Kongolia! Inyobo ianyuni ijo? Ijo ianyuni alakunio? Ijo ianyuni nuerai Ngesi? Kosesen toma Akirot kosodi aanyun nuarai Ngesi, kosodi ijo asesen toma Akirot ngipengin kosodi aanyun ebe ejai Ngesi lolo kwape ajaar kolo. Erai Ngesi aput naka emun loka aisinit kamodingot, kanuka alosikinet ngipengin, aronis ka adek.

101 Abu Yuda kongolia, kapak adiopet. Ido nakengoliara, akaulo naka nges asesen Ngol ejok cut...Ajaatar ngesi asesen adiopet bon toma abar, eroko ngun, amot naka isirigin najaatar kesi. Konye apak adiopet neabu ngesi kosesenia kosodi aanyun Yesu, ijeni ijo ibore yenabu ngesi koany? Abu koany ebe ekamunitos ngesi akiro. Abu ngesi koany ebe mam nges ebecokina aijar, kosodi amediakin.

Atupuruc adiopet, adiopet kotoma atupurucio nukapolok kotoma apakio kere. Kotoma agolokin, ajai eong alimun nu. Ajai ibore yeniswama ko Yesrusalem, ido katipet abu atukos naka isirikalet kijesun kwap neejai-neejai ejeera. Apupi eong aruo naka irikoi; apupi eong autunio naka emacar korot.

102 Ingai bo ejai kau toma ngin? Baranaba. Ekapakina ngesi atwanare. Erai ngesi ekokolan. Emamei nges ajokis. Erai ngesi ekangatan. Erai ngesi ekaaran. Elosi ngesi atwanare.

Ibore yenisodit yenijeni ijo, ebu kotema ebe, "Eebo, nu kere eraas kanuka. Aponio eong aiyar atupuruc na.

Ibore yenisodit yenijeni ijo, abu ekedaran kongaa ekek, "Kolom kinga, Baranaba."

Abu ngol kolom kinga kosodi atemar, "Eebo, aomit eong ebe awasiaka do na."

Ebala ngol ebe, "Baranaba, ilacakina ijo cut."

"Inyo? Ekoni eong ai? Eong..."

Abala eong ebe "Ilacakina ijo cut! Ilacakina ijo."

Ebala ebe, "Eipone ali epedoria eong alacakin?"

Ebala ebe, "Ijeni ijo, kobua ne, Baranaba, kongolia kuju ngina. Ijo iseseni Etunganan ngol loejai atwanare kokuju kangina? Abu ngol koyanga aiboisitikon."

103 Mam eong ajeni arai oni kere, atibong na, ipedori angoliar kosodete aanyun ibore yenabu Baranaba koany, itunganan yenejai ayangar aiboisitiwok? "Aponi Nges kimusungai kanuka epaliwok, komacarai kanuka numam adolitewok. Aiticanio kanuka ainapakiniwok kojai kanges; ido imacarinike kes itangaleunete oni," aponi eong etangaleun, aponi ijo itangaleun. Mam eong ajeni arai oni, lumam ikadiakanarak, luideka, arai ipedori oni aanyun Nges alakuniowok? Ijo yenebeit alosit okatwak; koany kotomaKe alacakinio, arotokon toma Akuj. Mam eong ajeni arai ipedori ijo aanyun ibore yenabu Baranaba koany kapak kangin?

Abala Ngesi ebe, "Ipak edit mam akwapin aanyunete Eong bobo, konye yes ianyunete Eong." Oo, ekanisa! Aso abu Ngesi kobala ebe, "Ianyunete yesi Eong," erai aitogogonget ebe ipedori ijo aanyun bobo. "Ianyunete yesi Eong, naarai kijaun Eong kayes, tomakus da, kiton osangeta luka akwap." Iwori? Eipone ali isesenia ijo Nges? Kotoma Akiro. Erai Ngesi Akiro. Kosesen Akiro kosodi aanyun naerai aisumunet, naarai erai Ngesi ngopengol bian, lolo, ka ikar kere.

104 Nuarai Ngesi kotoma apak nabu kolosio ko Galilee, ibore ngipengin erai Ngesi atibong na ko Jeffersonville, ibore ngipengin erai Ngesi ko Branham Tabernacle. Inyobo iseseni ijo aanyun, ekapwakunan, etunganan loka ediini? Mam ijo ipedori aanyun ngun kotoma Yesu. Ijo imoot aanyun ecesasedoti lokapolon? Mam ijo ianyuni ngun nepecepe kotoma Yesu. Mam. Eipone ali ianyunia ijo Yesu? Kanuka Akiro naka Edeke itodiaritai, naarai arai Ngesi Akiro naka Edeke. Nuarai Ngesi kolo, nges erai Ngesi atibong na, ido ebuni araut apaarasia kere.

Ketulurwoto awokokwes kwap ipak edit. Abuni eong atub na koipone kalo euriana.

105 Ejakait Yesu, nges akailipa, koinakinai eong aiteluor awai kama ejai aiyalongongo naka aijar. Ejakait, ajeni eong-eong ebe irai isio itunga lutai, lumam isiomit. Imameotor isio iboro luipu luka akwap, konye imina isio Ijo, Ejakait.

Ido enera eong kanuka itunga lu. Mam ti kes iboiete kotoma aiboisit kwape kana, kosodete arida ka eicik, ido ajaut toma osipanin; kosodete aiboi, komwanikite kotoma amwanis; arai aikany alilim, ka aibwo kotoma...ido koyangaununete ikecedwe ka ngul, luedekas ido isiriebitete, abunore ne; korai ti kesi koponenete kanu aanyun idiobore kidimarai Ijo. Itunga ngul, Ejakait, mam ti cut epotu aanyun etunganan. Ejaas itunga luipu kinga ngina orot; kere eputonoro.

106 Konye eponito kesi aanyun Etunganan ngol, Etunganan loka Edeke, Yesu ngol lo Nasaret loka akuan, kwape eraar Edeke. Kwana, Papa, ilimokinit Ijo isio ebe, "Ipak edit, ido mam akwapin aanyunete Ijo bobo," mamace arai esesenete kesi biai, mam eanyunete Ngin. Konye ibala Ijo ebe, "Ianyunete yesi Eong," ekeyuunan lokabeit, "naarai ajaun Eong kayes, tomakus da, kiton osangeta luka akwap." Isumunikit Ijo isio, arai kingolia isio, ianyuni. Ido elipit eong, atibong na, ebe itodolikini Ijo Naiwadikaere mamakosi bobo atibong na, tetere isio iteluori kasodete aanyun Yesu kitejenun elopet mamakosi, koipone kangopekangol lo duc eswamaenenia Ngesi, itodolikini Akekirot, anyoun kwape kwana Ejakait.

Ido abu eong alimunite akirosit, eroko nu, ido abeit cut alimunit eong akiro nu kotauka, nuikamunitos Abwosuneta nu, ido ibu Ijo kolimok eong. Ido kwana, koipone kalo esubitor ngin bala itegelikina, korai bon isio apedorete aisiriengun aoomokosi nakotoma, kasodete aanyun ebe mam ti iboro ngul edwaritai, becebec kwape ejaatar, kilema arai eponito kama ejai Edeke.

107 Eipone ali ti kianyunia isio ibore Yenisdodit iswamaun? Eipone ti ali iswamaunor Nakiareit? Eipone ti ali iswamaunor Nakiuniet? Eipone ali ti ibwoio isio kane, ilapio eroko ngin iswamauna, kosodete alimun nuapote aiswamaun ko Tucson? Ido abuni apukor Aipuceta Akanyaare, kosodi ainyakun aiyeiyea, kosodi apukor iboro luingadad luka Edeke, luengaditai anyoun ageunet naka apak. Ido aanyun ngin, kitejenunio, ka ainakin ajanaanut, kitogogongoorio kede science!

Ejakait, irai Ijo angopisikosi ka agogong. Ijo ngesi nginibore kere yenijaatar isio. Ido esiayalamikit eong Ijo, kanuka, Ejakait, araut atutubet naka akerianutuKon kana. Esiayalamikit eong Ijo, kanu eong araut emeeba loka Akuanakon, nepepe kede luipu kane lueraas imeeban luka Akuan, luipu kokinga anatar akwap kere kotoma okanisan luegelegela, lueraas imeeban luka Akuan Nakaiyeiyea naka Kristo.

108 Kanginipak naingoliara isio, ianyuni isio Nges! Iseseni isio Nges neewoioto ikweny. Iseseni Nges neelomuna akolong, arai neelomaria. Ipupi isio Nges kotoma okososio. Iseseni Nges kotoma otungaKe. Iseseni Nges itodiari Akekirot.

Wu Ejakait, irai Ijo Edekekosi. Iworoi Ijo alingakin sek. Irai Ijo Papa loka aitim. Itimi isio aibucanaretakosi kere.

Ejakait, ijai isio toma apak nakawasia. Etei eong eyapie ikekia agolokinio, ikekia luka arereng. Ido naperoko erai paaran ido apedorite eong adolokin ace kotoma aiboisio kanu, Ejakait, kingarak eong alosit. Ajai eong amojong; koinakinai eong agogong. Kisiteteu akatumun, Ejakait. Kingarakinai eong, tetere eong eswamai icebore kokinga kangina, kwana, ebe edarit eong apak na nakapolon adolon, naebuni ajaun ne. Kingarakinai eong, Ejakait, kwape kalosio eong kinga, tetere eong apedori, kokwap naka eiponece, aikamun Ikinyomit yenawasia yenesekikinitai, yeninyakuni Ejakait Yesu. Kingarakinai, Wu Edeke!

109 Ido arai ajai eong apesikin apetetait naebuni ece aibwo kotoma, koinakinai Ejakait, ebe iswamaun ngin katipet, tetere Akirot itodolikinio.

Eipud loka itauonokosi nges aanyun Akirotokon itodolikin. Imina isio Ijo. Iyuunit isio Ijo. Kakidingot naka itunga lumam iyuunitos, luebuonokinos, atur naka-naka-naka luijaatar isio lolo, Ejakait Edeke, iroko isio iyuunit ebe mam Akirotokon ibiror cut. Iyuunit isio, ebe, "Etuboros Akuj ka akwap, konye Ngin mam edaun." Ibwoi isio katiting kanuka Ngin.

Kwana, Papa, neejai etukos na nabu idarite. Ejaas luipu luedekasi kotoma kane. Ido epedori kojaas lumam itajaruna kotoma kane. Itunga luitajaruna, konye komam ilelebitai kede Emoyo Lokalaunan, Ejakait Edeke, kobua Ijo toma aiboisit, kede Akirotokon naka aisumunet, tetere itunga engoliarete kosodete aanyun Yesu, kosodete akukokin kwap kosodete ainakin itauon neejai Ngesi. Kongoliasi lukadekak kosodete aanyun ebe mam epedori idiobore kere aswam ngun, Edeke bon, naarai erai aisumuneteKe naka Akirot.

Nuilim isio lolo, Aisiranareta aarei kere, kitogogongooroi ngin kwana. Ejaas kere Akaninikon, Ejakait. Ido ajai eong Akaninikon. Ido ejai esipan Akaninikon. Kiswama kotomakosi, Ejakait, kanu ayongio naka Ekonikior lokapolon. Wu Lomam Idaun, koinakinai nu kanuka aibuses naka Edeke. Amen.

110 Ajeni eong ebe emwana, ido akoto eong aitam ailipanakin lukadekak kwana. Ido arai kiinakinete yesi eong nepetai idakikan itomon ka lukany, akaisaarei, mam eong ajeni arai akaadin adi ekoraritai, konye ilosi oni ageun kasodete ailipanakin lukadekak.

Kwana, abu Billy kalimok eong ebe abu ngesi okora, araas amwaasi ai? [Kotemari icetunganan ebe, "Adiopet kiton akwatat.] Eebo. Eebo, ageutu. Abala ngesi ebe abu okora akwatat. Imwaasi ai ejaatar akaadin kane? Ikeutu akusikanin kuju; akaadin nuka ailipakinio. Eebo, epolopolot enaaba. Ibuni oni aitam adolokin nginibore kere yenipedori oni adolokin, arai ipedori oni. Kwana, mam ipedori ajaun kede amisiikin aomisio kotoma kesi kere, ijani ijo, aso ibuni oni ailip bon. Ido, nginitunganan, imwaasi ai kane emameotor akaadi naka ailipakinio, konye odeka ijo? Ikeu akonikan. Ipu.

111 Kwana, koany. Inyobo ngin? Kwana, ajeni eong, ipedori oni aticepak eyapitos mot kanuka anapeta, nepetai idakikan itomon ka lukany, konye akoto eong alimun ibore yen idiopet. Epedori korai atiaketai kokiding, kane, aiboi adaun Ikar Lumam Edaunos kotoma Akuj arai Okatwak. Ianyu? Koany, kiyapaar kosodi asesen, ipak edit, kopupok Akirot, kosodi aanyun arai eroko Ngesi esalit erai Kristo.

Kwana, nginitunganan kane aticepak ejeni eong. Ido luipu kayesi mam eong ajeni, naarai mam eong adaunenei aojau kane kanu adolokin ejenun yes. Ido luipu kayesi ijaas kinga naka etaun. Imwaasi ai eraas itunga luka okinga naka etaun, ikeutu akusikanin. Ianyu?

Kwana, abu eong engit icetunganan yenika okwap otaun, kapaaran kaya, eong ebe, "Ijo ibunenenei kuju?"

Ebala, "Emamei eipud isio abunore." Ebala, "Ejaas luipu lueponitos kokinga naka etaun, luedolonunete ngina, mam isio ipedori alomun toma." Ianyu?

Konye edolit ngin-ngin. Ibuni aitemokin eipone loka ngul alomun toma. Kopotu yesi, kwape kwangin. Koany, ajaatar kesi arereng eroko yesi idumuna. Eebo.

112 Kwana kiitu, kwana, arai eong onacekus. Ajeni eong ejok ebe imisiikinitos yesi ngun. Arai eong etunganan; erai Ngesi Edeke. Konye epedori bon Edeke aswam, ido eswama duc, ido abu bon kiswama, kotoma otunganan. Kwana kosesen atibong na, mere neajai eong arai neejai idiotunganan kere, konye kosesen Yesu Kristo.

Kwana kosesen atibong na neejai Naiwadikaere, nuabu Ngin kisumunikite. Imwaasi ai kayesi...apedori eong ainakin iponesio kere luka Nuiwadikaere, konye imwaasi ai iyuunite Iburanian 13:8, ebe, "Yesu Kristo ngopengol bian...?" [Kotemari atukos ebe, "Amen."-Ekewa.] Ido imwaasi ai iyuunitos Yokana 14:12, "Aswamisio nueswamai Eong iswamaete yesi da?" ["Amen."] Ianyu? Imwaasi ai iyuunitos ebe iboro ngupengun luabu Ngesi kiswama, koipone loka "amisiikin naka aomisio nuka itaunon," ido abuni ngin abongun bobo kotoma apak nakawasia naperoko AbonguniKe? ["Amen."] Uh-huh. Abeit cut. Oni kere ijeni ngin. Eebo. Oo, aiyatakin luitiasi ai, akwat ka akwat nuka Nuiwadikaere, konye ijeni oni ngin!

113 Kwana koany. Mam iseseni kanu aanyun ejaanakinan. Mam imoot aanyun ecokon. Kongolia kanu aanyunn Yesu. Mam iseseni etunganan, kosesen Yesu. Kiteluo ijo, koany Nges. Korai ti eong apedori aingarakin ijo, ti eong eswama ngun, konye mam eong apedori. Mam eong apedori aingarakin ijo; arai eong onacekon. Konye, erai Ngesi Ejakaitikon, kosesen Nges kosodi aiyuun. Eebo.

Kwana ageutu ber oni kede akaadi naka ailipakinio naka enaaba...Ijeni ijo, igeuni oni kede enaaba losodit? Ikeu akonikan. Aibo ejai ngin? [Kotemmari icetunganan ebe, "Kau cut laiije."-Ekewa.] Ibala ijo ebe... [Ebwoi ngin."] Biai arai ngin? Oo, kitimoi eong. Eebo. Nasodit, kobua kuju lailo, amucalat, cut... Eipone ali ikotor ijo ayangaunun kes, lailo? Eebo, kobua cut lailo, arai-arai ipedorit ijo alosit. Arai kenyaun idiotunganan kwana, yenengwalangwalauna, ice kotoma kaasio ingarakini ijo ayangaun kuju. Enaaba losodit.

114 Enaaba lokiareit, ingai bo ejaatar akaadi naka enaaba lokiayareit? Ikeu akonikan, katipet kwape kipedia ijo kere. Enaaba lokiareit, aibo ejai ngin? Mam eong etei ngin. Aibo? Kitimoi, mam eong-eong apedori...Cut lailo, amucalat.

Enaaba lokiuniet, ijo ipedori anyoun aibwo, arai icebore? Edolit ngin, enaaba lokiuniet.

Enaaba lokiwongonet. Akaadi naka enaaba lokiwongonet, ijo ipedori aikeun akonikan? Aibo ejai ngin? Mam eong etei ngin. Akaadi naka enaaba lokiwongonet. Atemar biai? Enaaba lokiwongonet.

Enaabi loikanyet. Ingai bo ejaatar enaabo loikanyet, ijo ipedori aikeun akonikan? Mam eong etei ngin. Enaaba loikanyet.

Enaaba loikanyetekape. Enaaba loikanyetekape. Atipet. Katipet noi, enaaba loikanyetekape. Eebo.

Ikanykaarei. Ijo, ikanykaarei? Eebo. Edolit ngin.

Ikanykauni. Ikanykauni, katipet noi kwana. Ikeu kuju, katipet noi. Eebo, ikanykauni. Ejok, ipa.

Ikanykaongon. Ikanykaongon, aibo ejai? Enaaba loikanyetekaongon. Eebo.

Enaaba lokitomonet. Itomon, eebo, itomon, ejai lailo. Itomon.

Itomon ka ludiop, itomon ka luaarei, itomon ka luuni, itomon ka luongon, itomon ka lukany.

Ido mam eong ebuni anyara nuipu noi, aso kolem...Itei ijo, apolou naiswama oni nu...erai bon akaadi naejaatar enaaba tomake, itei ijo, ido ibuni ijo kanuka enaaba kangol. Einakini ngin kes aibwo okokoro.

Itomon ka lukany. Akaadi naka ailipakinio naitomonet ka lukany. Eebo.

Naitomonet ka lukanykape, naitomonet ka lukanykaarei, naitomonet ka lukanykauni, naitomonet ka lukanykaongon, akaisaarei, akaisaarei ka ludiopet, akaisaarei ka luaarei, akaisaarei ka luuni, akaisaarei ka luongon, akaisaarei ka lukany.

Koinakisi kes kopotu, aibwo okokoro kwana, akaisaarei ka lukany, kiton neidukunatar yesi ekokorokus. Konyoutu kwana kwape ejaatar inaabaikus. Edolit ngin. Mam ipote kere irwanatipet. Kopotu lailo kowai kaje, arai ipedorete yesi, arai ijai ijo laiije, kosodi abunore. Kwana akaisaar-...

Inyobo apotu oni eworoutu, akaisaarei ka lukany? [Kotemari icetunganan ebe, "Akaisaarei ka lukany."-Ekewa.] Eebo, eyengutu kotoma akaisaarei ka lukany, ipak edit. Eebo.

Kwana abala eong ebe, arai mam ijo ikoto aibwo adaun aojau, kiany ijo ngin ijesun kwap, kolomonete do yesi toma kede ngun; akaisaarei ka lukany, akaisaarei ka lukanykape, akaisaarei. Bon, ijeni ijo, kidareutu, kodol ber ekokoro ngol kwap mot, mam ijo ibuni aibwo noi noi, adaun aojau.

Kwana ketulurwoto awokokwes kwap.

115 Oo, ipapero, kwana inyo? Aibo ijai oni? Kwana ijai oni awasia. Ijai oni toma apak naebeitor icebore aiswamao, ebala ebe, "eebo" arai "mam." Ejai Edeke adumun ajokis arai aronis.

Kwana, lolo alimonok eong akiro aarei, kagogong, atamite alimokin yes nuerai Ngesi, alimokin yesi ebe ejai apak agolokin; nuerai Ngesi, nuarai Ngesi.

Kwana, nginitunganan, Kokiror loka Ejakait Yesu, osalak aiboisitikon kwana. Mam irimi taitai. Iboikin ililingi noi kiton nakinyaraunere ijo. Idwe ludidik...

Kwana, arai alim eong ebe, "Kitulur akonikou," kismama ngin katipet noi, lominat, naarai enyounete iboro lukaronok, kwape bala nat engoti ka adekasinei, ido elosete kinga mama ejaas itunga, kosodete alomar neejaas ice. Kere luiyuunitos ngun, ido kojenete ebe erai ngin Naiwadikaere, kotemas ebe, "Amen." [Kotemari atukos ebe, "Amen."-Ekewa.] Idumuni oni, kotoma Obaibuli, ebe apotu imoyon lukaronok konyoutu kama ejai itunganan idiopet kiton neejai yenice, nakerengearere. Ido etamete ngul adumun aiboisit.

116 Ido irwana imwaasi ai kianyununa oni ngin kotoma airiamununetawok! Epote itunga toma airiamun, kongaleete ejok cut ido ojokuka, kiboikinos nen kosodete aitoronit; ido, apaaran adiopet arai aarei akaulo naka ngun, kodumunete kes emudukaka cut, arai edekasi engoti, ilejekekasi. Itei ijo, naarai araas lumam eyuunitos. Mam eong akiro ikamunitos kanukec; erai bon kanuka luiyuunitos. Luipu kotoma kakesi apotu kolotonoto adekis, ikar luipu kau, ido eroko ibore ngin ejai, ice apotu kolototo ates, kanu araut luepali, lumam iyuunitos.

Emamei aiboisit kanuka lumam iyuunitos kwana. Erai aiboisit naka ikeyuunak. Kojaunos kede aiyuun mama ejai Edeke!

117 Papa lokotoma Akuj, kwana erai atukonokin Nakon; arai sek Nakon, apak kere. Kwana, apedori eong einer kotoma Akirotokon; konye do kwana, anyoun kwape kwana alosit ngaren, mam eong apedori einer. Erai kwana Ijo inera, Ejakait. Kojenun ebe alimokin ebulesitiKon kes Abeit. Itunga lu kane, aticepak edekas luipu kane, ido komam aticepak epedorete ajaun okokoro loka ailipakinio da, konye iroko Ijo ijai ne kwape kwangin, Ejakait. Ipedori ijo aitangal kokinga kangina, kwape ipedoria Ijo aitangal kaiboisit adio kere. Kitejenunai Akirotokon, Kokiror loka Yesu, nges elipia. Amen.

118 Kwana arai eong apedor adumun aomisiokus kere kaileleba kanu ipak yenedit bon. Akoto eong asesen neejai ekokoro lo loka ailipakinio. Mam eong eyuunit ebe ajeni eong idiotunganan. Yesi, luijaas toma okokoro lo loka ailipakinio, iraaas kere ilongwau mamaka, arai ijenete yesi ebe mam eong ajeni yes? Ikeutu akusikanin kuju arai iraaas yesi ilongwau. Eraas kesi. Imwaasi ai kokinga kangina ejenete ebe mam eong ajeni idiobore yenikamunit ijo? Ikeutu akusikanin kuju, kokinga kangina, itei ijo. Abeit cut, akaisakanykaongon ka lukany kotoma nginikwatat kane, mam eong ajeni. Erai ngin abeit.

119 Kwana ejai aberu ne, mam eong aanyunitor nges kotoma aijaraka. Erai ngesi alongwau mama ajai eong cut. Kwana, epedori ngesi kojai ne kanuka adek. Epedori ngesi kojai ne...Aticepak iswamat ngesi icebore. Aticepak ejai ngesi ne kanuka isirigin. Aticepak ationis naka okal. Aticepak ejai ngesi ne kanuka icetunganan. Mam eong ajeni. Emamei idiobore yenajeni eong.

Konye erai na cut becebec aput naejai toma Yokana Eijiri, esula lo 4, eberu kede ekiliokit airiamun irwan nasodit. Ido komam abunonokin, ebe, apese nabu iriamunos ka Yesu, apol Ngesi adepar aberu ngin, naarai, "Nges," abakai ebe, "asubit bala arai loka ikar akaisakany, arai adepar akaisakany," ido aticepak arai ngin apese nadidi naebus naajai kinga ngina atan, arai ipese yenadit. Ido kane bobo, atibong na, iriamunos itunga iarei, yenididi kede yenapolon, komam ejenete idiopet kayenice.

120 Ido kwana ebwoi ngesi kangina. Ejai apolou naejaar ngesi nen. Mam eong ajeni. Epedori ngesi kobwoi kanen, kwape naingalai. Epedori ngesi kobwoi kanen, alimun icebore, komam erai nges ngin, kanu bon aanyun nuiswamaunos. Arai erai kwangin, kosesen nuiopote aiswamaun. Ianyu? Ianyu?

Kwana, mam eong ajeni aberu ngin; mam eong aanyunitor nges. Abu bon ngesi ikeu akekan, ipak edit kau, ebe arai eong elongwau kama ejai ngesi. Ido ekeuni eong da akakan, ebe, erai ngesi alongwaut mamaka. Mam eong aanyunitor nges. Eebo, kwana arai eong...

Kwape etunganan, ti eong atema ebe, "Amucalat, inyobo akonitionis? Inyobo iswamai ijo kane? Inyobo ikoto ijo?"

Ido ti nges etema ebe, "Ejakait Branham, ajai eong-eong ne naarai adeka eong-eong e-engoti. Adeka eong elweera. Adeka eong abutuunet." Arai, "Adaunos eong isirigin. Eong...Abu okilenika ajalak eong." Arai, "Mam eong adukokina, ido abu opaperoka iswama nu." Ti nges kalimok eong.

"Eebo," ti eong atema ebe, "eebo, e-e-elipakini eong ijo; kasodi aidokokin akakanin mamakon, kasodi atemar, 'Ejakait Edeke, koinak aberu na ibore yenipuda. Amen. Yesu, iswama ngun!'" Ajalakin nges

anyoun alosit. Eebo, aomit eong, arai abu ngesi kiyuunite ngun, ti nges engaleu. Edolit ngin. Araun ngin aijaanakin adaun ikar luipu noi, noi.

121 Konye esumunikitai, kotoma apaarasia nukawasia, ebe kwape abu Emalaika, Edeke, kibioio kotoma akuan naka etunganan loabu kobu naperoko Sodom icwera, kosodi aiboi kibelokite epuraKe mama ejai ewema loajai Sara, kosodi alimokin Aburaam nuawomooi ngin kotoma owema; Edeke kotoma akuan naka etunganan, konapite igoen luka itunga.

Ido ngol bon nges eipone loiswama Edeke lolo, nges neelomaria Ngesi toma akuanikon, itei ijo, aitodun ebe apedori Edeke aitodiar kotoma akuan naka etunganan.

Abala Yesu ebe, "Kwape ajaar kotoma apaarasia nuka Sodom, kwape kwangin ejaunor kotoma apak naka abunore naka Okoku loka etunganan." Kijaar oni ekiyakia, Billy Graham kokwap kangina ko Sodom, konye abu Ekanisa loseuna kodum Aisiraret ka ekiyakia.

122 Kwana, arai amucalat ngin...arai Emoyo Lokalaunan...Mam ilimuni ebe ebuni Ngesi aswam ngin, konye arai kebu Ngesi kosodi alimokin eong ibore yenibwoio ijo kane, arai-arai ibore yenikoto ijo, arai ibore yeniswamat ijo, arai ibore yeniburit ijo aswam. Inyobo, ti ijo ijen ebe akoto do ngin kobunite kama ejai apedor nakotoma Akuj, naarai ibwoi oni kane, itei ijo. Ti ngin eraun naedolit, biai mam? Kwangin ti do ijo ijen ebe ekoto ngin kobunite kama ejai apedor nakotoma Akuj. Ido arai abu Ebaibuli kobala ebe abu Yesu kiswama ibore ngipengin, kosodi aisumunikin aswam ngin bobo kotoma apaarasia nukawasia, kwangin iyuuni do ijo ebe erai Nges. Imwaasi ai ti kiyuutu ibore ngipengin? [Kotemari atukos ebe, "Amen."-Ekewa.] Kwangin ti do ijo kiyu Yesu. Ianyuni do ti ijo Akirotoke.

Kwana ibala ijo ebe, "Biai erai Ngesi Akirotoke.

Ebala Ebaibuli ebe erai Ngesi Akirotoke. Ido abala Ebaibuli ebe emisiikini Akirotoke aomisio nuejaas toma otou. Biai ngin edolit? [Kotemari atukos ebe, "Amen."-Ekewa.] Akepolou ebuni do araut Akirotoke nainerai kotoma aitukei nuka itunga, nges emisiikini aomisio.

Kwana, mam eong apedori. Amameotor eong eipone loka aswam ngin, itei ijo, naarai mam eong ejeni nges; konye ejeni Ngesi, ido erai Ngesi Akirotoke.

Ido Nges epedori alemun imoyonokosi iare, kwape aberu ngin naka atan, ka Nges, kosodi aisimorikin; kosodi anyoun kosodi aitodikin eong ibore yenejaar ngesi ne, ibore yeniswamat ngesi, arai icebore. Kwangin apedori do eong alimun ibore ngin, kosodi do eraun nges ikamunitos akiro.

Kwana ibala ijo ebe, "Onac Branham, ijo ipedori aitangaleun nges?" Mam, mam. Mam eong apedori aswam ngun. Edaunit Ngesi aswam ngun. Ikemacarin kes itangaleunete oni.

Konye erai bon ngin kanu aikeun akeiyuun, kanu ainakin nges ajenun, arai ejeni Ngesi nulem erai ngesi ka ibore yenekoto ngesi, ejeni Ngesi-ejeni Ngesi eipone loka ainakin ngin ka nuebuni ngin araun ekaulo. Biai ngin edolit? [Kotemari atukos ebe, "Amen."-Ekewa.] Kwana, iyuunit nginitunganan ngun? ["Amen."]

123 Kwana kiyapaar cut noi. Ido yesi itunga luijaas kinga ngina kwana, komameotor akaadi naka ailipakinio, kilipata.

Kwana, kiitu, abu Yesu itor toma okodet kapak adiopet, kosodi aberu atiror anapitoKe. Kosodi aibelokin, kotemari atiar, "Ingai atiro Eong.?" Kosodi ngesi airere esipan kere kiton neadumunia ngin, kosodi alimokin nges ebe ajaatar alele naka aokot. Kosodete aokotoke abwoun kosawa ngopengol. Ianyu?

Kwana, abala Ebaibuli ebe erai kwana Ngesi "Esasedoti Lopeti loepedori arieb kaoni atiokisiowok." Biai ngin edolit?

Ajai eong asesin kane Onac Way, iboie kane kosiep naka akeberu. Pac ajai etunganan ngol ebwoi kane ipak edit kau elimonokini, bala kwape alimonokina Paul akaur kere akuar adiopet, kosodi etunganan acakun kiton atwanare kotoma osipan. Kosodi Emoyo Lokalaunan ainyakun nges toma ajar bobo. Erai ngesi, ekajenan, itei ijo, ebe, "Yesu Kristo ngopengol bian, lolo, ka ikar kere."

124 Imwaasi ai mam eanyunitotor Onac Way, ido okotosi aanyun nges; ikeutu akusikanin kuju, lumam eanyunitotor nges. Onac Way, ijo ipedori anyoun aibwo? Etunganan ngol lo, abu ibiror kiton atwanare nepetai aiboisit naebwoio ngesi kwape kwana. Akeberu na, anaasit naiwadikauna, ebwoi cut kalaije. Amameotor ngesi eyengane, adauna; apotu akekonye ibelooru, ido eriono ngesi koreeteke; eremone loka etau.

Abu emuron kolimok nges ebe ajaatar ationis naka etau. Eroko ngun, adaunit eong ajenun ngin kotoma ainakineta naka amisiikin, pac, kasodi alimokin nges ebe ajaatar ationis naka etau. Kosodi do, katipet, kobwouni eketau, kosodi ngesi aibiror. Ido ajai do ngesi nen, eperi kanen, odaunite atwanare cut.

Erai na nepetai irwan naikanyetekape arai naikanyetekauni eong aanyun Ejakait Yesu itajaruni itunganan yenatwan. Aanyunitor eong Nges iswamai ngun, ido epedori Ngesi aswam ngun atibong na.

125 Kwana ebwaikini eong nginimoyo, kotoma kane, kwap naka ayait, kanuka aibuses naka Edeke, Kokiror loka Yesu Kristo. Kiyapaar. Kosesen.

Akoto eong einarakin kede ijo, amucalat. Abu eong ajai alimonokin, itei ijo. Ido kanu arucokin kede ekonimoyo, ngun cut becebec kes ajai eong aswam. Ianyu?

Ejai ibore tomakon, aijar, korai mam ti mam ijo ibwoi kangina; ti ijo irai ibore tai, koperi kanen, ido ti ijo imameotor aijar kotomakon. Konye, kwape eraar ebe ejai aijar toma akuan ngin, ngin nges eyait ijo. Ianyu? Ido kwana karaida aomisiokon ka nuiwomooi ijo, akiro nuinera ijo, ka nginibore kere, ngun kes ijaria ijo. Ianyu? Ngun kes irai ijo, nges akonikiro, aomisiokon, ka idiobore kere yenirai ijo.

Kwana, irai oni, ijai oni ne, eyuunitos. Kwana Emoyo Lokalaunan...

Kwape abu Yesu kolimokina aberu, "Ae akipi numatan."

126 Ido, neabu ngin koyangauna, abu kotema atiar, "Inyo, Ijo, mam ebeit Ijo ailipit eong ngun. Arai eong-arai eong Asamariat. Irai Ijo...Irai Ijo Eyudayat. Emamei oni acamanar kede idiopet kayenice, emamei-emamei eipone, akirot idiopet kayenice."

Kwana, konye, irai oni kere Imo. Ido ijai oni ibwoi kane eyuunitos Edeke. Kwana, arai kebu Emoyoke kamaka kanuka ainakinet, kosodi alimokin ijo ibore; tetere ijo ijenuni arai edolit arai mam, naarai ijar ijo ewai ngol loka aijar. Akepolou, akepolou ijaatar do ijo ainakinet, naebait aiyuun. Ido arai kiyu ijo ngin, kosodi Ngesi alimokin ijo nuikamunitos ngin, kwangin ongetakinos kere. Ido ebuni aswam kotoma nginitunganan kane. Kwana, nginitunganan kere iyapaar.

127 Ido edeka aberu ngin icebore kotoma oporotoke. Ido erai ejautene loka eporoto. Arai edolit ngin, ikeu akonikan kaju. Kwana, mam eong aanyunitor nges kotoma aijaraka. Abeit ngin. Ngun kes ejaar ngesi ne, kanu eong ailipakin ekeporoto.

Kwana, kanepakanen, katipet nealimunia eong ngun, arai bo eroko, arai ngesi...Ajani ngesi ebe ajai Icebore osiepike. Abu Icebore kobu osiepike, kosawa kangopekangol. Ipedori ijo aanyun asubanakin kamake, aipup naejijim noi, bala, abu kotiro.

Aica ngin naisesenete yesi kotoma aput. Aibo ijai ijo, George? Aput ngin naajai toma aput, nges aica naekaja kokuju naka aberu kangin, kwape kwana. Itei ijo, erai ejautene loka adoketai ace. Erai aberu ngin akeyuunan, mere ayuunan naka esoswai. Erai ngesi akeyuunan.

Kwana, kwape eraar ebe irai ijo akeyuunan, ijo iyuunit eong araut ebulesitiKe ka enabi? Ebeit korai, kanu apedor ajenun ngun. [Kotemari inac ebe, "Eebo, ipa."-Ekewa.] Iyuunit ijo ebe epedori Ngesi alimokin ijo iboro luce da luejaas otakon? ["Eebo, ipa."] Eebo.

128 Ibore yenita yenejai otakon. Erai icetunganan ijai ijo ailip kanuke; ikoku. Ijo iyuunit ebe epedori Ngesi alimokin eong ibore yenerono kede nges? Ejaatar evirus. Biai ngin edolit? [Kotemari inac ebe, "Abeit ngin. Eebo."-Ekewa.] Iyuunit ijo ebe epedori Edeke alimokin eong nairai ijo? ["Eebo, ipa."] Irai ijo amucalat Walker. ["Mere kwape kwangin."] Mam ijo ilomunit kane. ["Mere kwape kwangin."] Ilomunit ijo ko Angalakimak. ["Mere kwape kwangin."] Georgia. ["Mere kwape kwangin."] Ebeit ijo alosit ore, ingalei. Itangaleu ijo Yesu Kristo ka ikonikoku. Mam ipodo nuikamunitos ngun. Adaunos. Kisirereng Edeke ijo, inac.

Biai bo ijo? Kwana ejai ne aceberu. Mam eong ajani nges, mam eong aanyunitor nges. Erai bon ngesi aberu ebwoi kanen. Kwana koany, abu eong ajai alimonokin, kere nepepe, anyoun nepetai isawan iarei, ido erai isawan iwongon kwana. Erai nen isawan iarei adau eong ajai ne. Aswamisioit ngin adiopet bon naka amisiikin nuka otau adau eong agogong adepar isawan iarei luka alimonokin. Ianyu? Erai nen...Ianyu?

Ibala ijo ebe, "Ipeleikinit ijo alimun ngun?" Oo, eebo.

Aberu ngin nabu kotiro atwele naka anapitoKe. Abu kotema atiar, "Amisiik eong ebe anyou apedor kamaKang," agogong. Biai ngin erai abeit? Ngun kes iswamai ngin.

Kwana, ejai aberu ne namam eong aanyunitor.

129 Abu Billy kolot ngina, arai abu ijo komiisiik icebore, kosodi ayangaun esapat ngol loijaatar oni ne kaoni, George. Erai ngesi esapat lo Baptist. Akoto eong nges aanyun ebe nuinera oni erai Edeke. Erai papake, ekecekal, itunga lukajokak. Ejaas kesi Mexico, ekalimonokinan, etunganan lokajokan. Ido edeka papake, da. Ajai bon eong aidarit nges abunore. Kwana kosesen ejok, George.

Kwana, amucalat na, mam eong-eong-eong ajani nges. mam eong-eong aanyunitor ngin. Aomit eong bala irai oni ilongwau neejai idiopet kayenice. [Kotemari inac ebe, "Erai ngin abeit."-Ekewa.] Mam oni ijani idiopet kayenice.

Konye kwana, Emoyo Lokalaunan, ajijim naka Edeke ejai ne, irai oni kere ikajenak luka ngun. Kwana arai epedori Ejakait Yesu apukokin eong icebore yenikamunit ijo...

Kwana, korai ti eong apedori aitangaleun ijo, ti eong eswama ngin, konye mam eong apedori aswam nuedaunit ngesi aswam. Ibore bon, korai Ngesi kojai ebwoi kane atibong na konapite esuuti lo, loabu Ngesi koinak eong, ijeni ijo, kwana, mam Nges-Nges itangaleuni ijo, naarai edaunit Ngesi aswam ngun. "Ikemacarin kes itangaleunete oni." Ianyu? Konye ibore idiopet bon yenitikiswama Ngesi, nges alimor kede Akirot nabu Ngesi kisumunikite, kosodi ainakin ijo aanyun ebe Ngesi ngopengol bian, lolo, ka ikar kere. Ido esumunikit Ngesi aswam ngun.

130 Kwana arai itwasam Ngesi eong alimokin ijo ibore yenijaar ijo ne, ijo ibuni aitwasam aiyuun naijaatar ijo, tomaKe, aiyuun ebe nullipit ijo...nuijaar ijo ne? Kede ekonitau kere? [Kotemari inac ebe, "Eebo, abuni eong."-Ekewa.] Eebo, koinak Ejakait ngin.

Asesen eong ebe ejaatar aberu ibore yenerono. Itodunit aanyanario ebe erai a-ajimis nuka akoik. [Kotemari inac ebe, "Abeit ngin."-Ekewa.] Edolit ngin. ["Abeit ngin."] Erai ngin abeit, eebo, ipa, ajimis nuka akoik. ["Erai."] Ijo iyuunit ebe itangaleuni Edeke ajimis nuka akoik? ["Eebo, ipa. Eyuunit eong kere nuapedori eong aiyuun."] Ijo, ijo kere-ijo... ["Kede kere nuapedori eong aiyuun."] Kisirereng Edeke ijo. ["Epedori Edeke aitangaleun akakoik."]

Kwana, mam ijo ilomunit kane. [Kotemari inac ebe, "Mam, ipa."-Ekewa.] Arai aipal teni abeit kanu adolun ne. ["Eebo, arai."] Arai. ["Kituritete Ejakait!"] Eebo. Eebo. Ibunit ijo ko Tennessee. ["Eebo, ipa"] Abeit ngin. Amucalat Hart. ["Abeit ngin."] Kobongo; mam ibuonokin. Ingaleuni ijo, arai kiyu ijo.

131 Biai bo ijo, amucalat? Irai oni ilongwau mama ejai idiopet kayenice. [Kotemari inac ebe, "Abeit ngin."-Ekewa.] Mam eong aanyunitor ijo kotoma aijaraka, kwape ti ajenia eong. Apedori eong aticepak aanyunitor, kanenice kotoma airiamun, ido ipedori ijo aticepak koanyunitor eong, konye mam eong ajeni ijo. Ejeni Edeke ijo. Ijo iyuunit eong araut ebulesitiKe, ka Akirot naalimonok eong ebe erai Abeit? Eebo, kwape araar eong elongwau mamakon; ka Akirot, naalimonok eong, kiyu ijo.

Ibore idiopet bon, erai, ice kotoma ngul einakinete kesi ijo akaadi; arai idiopet kotoma ikesukunyak ipejok, arai esapataka, arai icetunganan abu koinak ijo akaadi. Aponi konyararai enaabakon, ido ijai ijo ne. Kere nuajeni eong kes ngun.

Konye ijai ijo ne, adeka ejautene lola aitapasuna naka aomisio. Itapasi ijo erono noi. Ijaatar ijo icetunganan aupasi kajo. Ijaatar ijo itunganan yenijai ijo ailip kanuke. Erai e...Erai okilenikon. Ejaatar ngesi ationis nakomoyo namam nges epedorit aipikor. Ido ijaatar da bobo ijo ikoku yenedeka. Ilomunit ijo kane, konye ibuni ijo ko Agolitome. Ilomunit ijo ko Canada, ko Alaberta. Erai ngin abeit. Ijo eyuunit eong araut enabiKe, ido iyuunit ijo ebe nualimok eong ijo eraas Abeit, kolot ore ido idumuni ijo nuijaatar. Eebo. Kiyu. Kisirereng Edeke ijo, amucalat.

132 Arai eong elongwau mamakon. Irai ijo alongwaut mamaka. Mam eong ajeni ijo. konye ejeni Edeke ijo. ijo iyuunit eong araut ebulesitiKe? [Kotemari inac ebe, "Eebo, eyuunit eong."-Ekewa.] Kede ekonitau kere? Mam eong ajeni ijo, mam ajeni idiobore yenikamunit ijo. korai ti eong apedori aitangaleun ijo, ti eong eswama ngun, konye mam eong-eong apedori. ["Amen."] Mam eong arai eketangalan. Arai eong etunganan tai. Konye erai Ngesi Edeke. Etolitolikina eong mot, naarai ejai amojong naebwoi kidiingika ka ijo. Erai itunganan yenijai ijo ailip kanuke. ["Eebo."] Eebo. Erai totokon. ["Eebo, erai. Eebo."] Ido edeka ngesi adeka naka epesia loka aokot. ["Eebo, edeka ngesi."] Ido ijaatar ijo ationis naka ingalura. ["Eebi, ipa."] Edolit ngin. ["Erai ngin abeit."] Ijo iyuunit ngun? ["Eebo, eyuunit eong."]

Emamei totokon kane [Kotemari inac ebe, "Emamei."-Ekewa.] Konye kilot ijo neejai ngesi, koyanga etaabala ngol loejai omorosingikon, kosodi aidokokin neejai totokon, ido mam ibuonokin, ido enyoun epesia loka aokot kamake, ido edaun ationisikon da. Kolot, kiyu kwana.

Yesi iyuunitos kwana? [Kotemari atukos ebe, "Amen."-Ekewa.] Kede ikusitauon kere? ["Amen."] Kwana, itei ijo, angolia eong neejai esipan, ido esubit bala ejai-ejai ageun aisub bala ilisinaikit, kokinga kangina.

133 "Ibore luiswamai Eong iswamaete yesi da." Eswama Ngesi nuipe kanepokane, atibong na, adepar nuabu Ngesi...nuka aput kwape kangin, adepar nuabu Ngesi kiswama kotoma aijaraKe kere. Edolit ngin.

Kwana, aberu adiopet na kane, apese. Mam eong ajeni nges, erai ngesi alongwaut mamaka. Konye ijo iyuunit eong kwape ebulesitiKe? [Kotemari inac ebe, "Eebo."-Ekewa.] Kwana ipak edit ber.

Abu etunganan kobu ngareneka, icetunganan kotoma osipan. Kwana ipak edit ber mot. Icetunganan kotoma osipan. Abu Ngin konyoun kane osawa ngopengol; Aica abu konyou kane. Ido ajai etunganan loabwoi kosiepiKe, ido icetunganan yenikotoma osipan. Mam ipodo; kotitingior noi.

Abongosi ber bobo oni kasodete aanyun kama ejai aberu. Kwana Ejakait Edeke... Erai naikanyetekape,

arai akanykaarei, arai icebore, naetor toma okokoro kokwap naka amisiikin aomisio. Ido arai epukoki eong Ejakait Yesu, neejai aberu na, idiobore yenerono kede nges, biai ti kereka ngin einaki yesi luce kere aiyuun kede ikusitauon kere? Biai ti yesi icamutu Kristo kotupitete ngun? [Kotemari esipan ebe, "Amen."-Ekewa.] Ianyu? Irwanatipet ebeit kitodia ngin. Irwanauni erai aitogogongooret. Ido erai na irwan alukumin nuka atomoneta, komam apak adiopet naibucarar.

Mam ijo ijai ne kanukon. Ijai ijo ne kanuka ekiliokit. Ido aseseni eong nges iboie kitulurite akekou kwap. Emasi ngesi esigala, ido ijai ijo ailip ebe kojalak esigala ngol nges. Erai...Koinak Ejakait Edeke ijo ailipakon, inac. Kolot, iyuunite kede ekonitau kere, ido konyou ajokit ngin naka einono kangol kama ejai okilenikon, Kokiror loka Ejakait Yesu.

134 Akonitionis erai epurakon. Ijo iyuunit ebe itangaleuni Edeke ngol? Iyuunit ijo? [Kotemari inac ebe, "Eebo, eyuunit eong."-Ekewa.] Eebo. Kolot, kolim ebe, "Eyalama Ejakait."

Ajeni eong aberu na, acamunit eong erai akoku naka amacalat Neece. Biai mam ngin erai abeit? [Kotemari inac ebe, "Eebo."-Ekewa.] Aomit eong ebe arai. Kisirereng Edeke ijo. Ebuni adek naka epur ajalakin ijo kwana ido ipedori ijo alosit kosodi angaleun.

Ijo iyuunit ebe epedori Edeke aitangaleun adek ngin naka ikurunyunya kosodi ainakin ijo angaleu? Kolot kolimok Nges ebe iyuunit ijo Nges. Kiyu kede ekonitau kere.

Kwana biai bo ijo, lokapolon? Ijo iyuunit ebe epedori Edeke aitangaleun ationis ngin naka akoik kosodi ainakin ijo angaleu? [Kotemari onac ebe, "Amen."-Ekewa] Eebo, aso kolot, kotema, "Eyalama Ejakait, alosi kwana eong angaleun." Ido ibuni ijo-ibuni ijo angaleun.

Ecejautene loka ikurunyunya, ka ikar da lukapolou. Ijo iyuunit ebe itangaleuni ijo Edeke arai edokok eong akakanin mamakon? [Kotemari inac ebe, "Eswama Ngesi ngun irwanapu, kede ijo, kanuka aidokokin akanin mamaka, onac."-Ekewa.] Ipuputu yesi ngun? [Kotemari atukos ebe, "Amen."] Kisirereng Edeke inacika, kosodi ainakin nges alakunio bobo atibong na. Amen. Kiyu aiyuun bon Nges.

Ationis naka etau, ationis naka akoik. [Kotemari inac ebe, "Eebo."-Ekewa.] Ijo iyuunit ebe epedori Edeke aitangaleun ngin? Eebo. Kolot, Kokiror loka Ejakait Yesu, kitangaleu Ngesi ijo.

135 Biai bo ijo, esapat? Ejautene loka asima. Ijo iyuunit ebe epedori Edeke aitangaleun asima? [Kotemari onac ebe, "Eebo."-Ekewa.] Kolot, kiyu; ebuni Ngesi aswam ngin. Eebo.

Ejautene loka adek naka esukaali. Iyuunit ijo ebe epedori Edeke aitangaleun aokotokon kosodi ainakin ijo anagaleun? Kolot kiyu Nges, ido ebuni Ngesi aswam ngun. Ijo iyuunit ngin kede ekonitau kere?

Dobodo ti korai mam eong alimokinite ijo idiobore; aidokokin ijo akakanin bon; ijo iyuunit ebe ejai Emoyo Lokalaunan ne kanu aitangaleun ijo? [Kotemari ikadekan ebe, "Eebo."-Ekewa.] Ngol nges eipone loebeitor aswam ngin. Kobua ne. Kokiror loka Ejakait Yesu Kristo, kolot ngesi kosodi angaleun. Amen.

Kobua, amucalat. Korai ti komam eong alimokinite ijo idiobore, ijo iyuunit ebe ti Edeke kitangaleu ijo ationis ngin naka angor-...Mam, kitimoi, adaunit ngesi sek alimun ngin. Kolot ngaren. Kisirereng Edeke ijo. Kolot, kolot, kiyuunite, kosodi, kitangaleun.

Ijo iyuunit, ipa, kede ekonitau kere? Itangalei Edeke ationis naka etau biai mam? [Kotemari onac ebe, "Eebo, ipa."-Ekewa.] Itangaleuni etunganan. Ajeni eong ejok cut ebe itangaleuni Ngesi.

Nges, erai Ngesi Edeke. Yesi iyuunitos ngin? [Kotemari atukos ebe, "Amen."-Ekewa.] Ijo iyuunit ngin kede ekonitau kere? ["Amen."] Kojaunos kede aiyuun mama ejai Edeke!

136 Abu ecetunganan kokinga kalailo kiswama icebore, idakikan idis kau. Akoto eong ajenun ngin. Arai aokot. Icetunganan yenesubit bala akangas, arai icebore yenabu kiswamauna. Ajai-ajai aiyi. Arai kanenice. Ijo etunganan lo ijai ijo ibwoi kane. kwana kilip. Eebo, erai. Erai etunganan loib-...Inyobo, erai J.T. Parnell. Ajeni eong esapat ngol. Ijai ijo iyii kotoma, J.T. Ijo iyuunit ebe itangaleuni ijo Edeke? Eebo, ebwouni do kwana, J.T. Kiyu kede ekonitau kere.

Aberu naiboie kane, koseseni cut osiep, naiboie kosiep Onac Grimsley. Ejai Aica osiepike. Ijo, naijaatar adal nakwangan. Mary, mam eong ajeni ijo, konye akonikiror nges ngol. Itapasuna ijo kede ationis nakomoyo, ido bobo da itapasuna ijo noi kotoma aomisio. Kimurwok ngin ijo, elosete kere ajokiar. Kiyu kede ekonitau kere. Kojaunos kede aiyuun mama ejai Edeke. Arai bon kiyu ijo.

Aberu na naiboie kokau kokuju kangina kokokoro lokau, kalaije kosiep kangina, elomunit ngesi ko Michigan, edeka ngesi ationis naka angor. Ijo iyuunit ebe itangaleuni ijo Edeke? Ipedori do ijo adumun nuilipit ijo. Ijo iyuunit ngin? Amen. Ikeu akonikan kaju, kotema, "Acamunit eong ngin." Eebo, ipedori ijo alosit ore kosodi angaleun. Mam eong ajeni aberu ngin, konye ejeni Edeke nges.

137 Dobodo ijo kane kotoma ojamu kalo? Ijo bon nges etunganan loingwalit, arai etunganan loingwalit

koperi kojamu. Arai eong alongwau mamakon. Mam eong ajeni ijo. Ejeni Edeke ijo. Konye, alimun eong kwana, itolimaikit ijo aapikin atwanare. Ijaatar ijo engoti. Ibunit ijo kaneelwana. Ibunit ijo ko Cincinnati kane. Ekonikiror erai ejakait Hawk. Kiyu kede ekonitau kere. Arai iboi ijo kanen, itwani ijo. Kocam Yesu Kristo kosodi angaleun. Ijo iyuunit Nges? Aso konyou kobwo kakejenekon. Konyou kotoma oitaada kangol, kosodi acamun Yesu Kristo.

Imwaasi ai kotoma kane iyuunitos Nges, kotoma adakikat kana? [Kotemari atukos ebe, "Amen."-Ekewa.] Ijo iyuunit kede ekonitau kere? ["Amen."] Aso do, nginidiopet kayesi, konyoutu aibwo kwana. Konyoutu aibwo. Kwana koiponekon ijo ilopet, koipone kalo ilipai ijo, idokok akonikan mama ejai icetunganan yeneyapie kosiepikon.

138 Aibo ejai Inac Brown? Eboie ngesi kane, edeka kede ngin. Kapaaran kaya abu ngesi kenomak eong esimu, ido mam apedori aikeun akekanin kaju. Abu eong aany ebe ajai icebore yenarono kotoma aokotoke. Neabu eong eriamunotor kanges kapak kaya...Ajaatar ngesi adek naka esukaali. Aibo ejai ngesi? Ajai ngesi ne kede amucalat Dauch, ipak edit kau. Eebo, Inac Brown. Atibong na akoto eong ijo aiyuun kede ekonitau kere. Ajeni eong ebe ijeni ijo ibore yenerono kede ijo, konye akoto eong ijo aiyuun. Ilomunit ijo adekis kanu abunore ne, itei ijo, ailipakinio. Ajai eong ailip kanukon kwana. Kiyu. Ilosi ijo angaleun.

Margie, kojaunos kede aiyuun mama ejai Edeke. Elosi anyoun kwape kwana. Elosi asangakin. Epedori Ngesi aitangaleun adek naka esukaali, epedori Ngesi aitangaleun ijo kotoma adek kangin naejai akoikikon.

139 Kwana nginidiopet idokok akanin neejai yenice, ido itasalik akonikan nen ipak edit. Kidokonokisi akanin neejai idiopet kayenice, osalak idokokit..Itei ijo, ejai alosit osawan ikany, ido luipu kotoma otunga kalu ebeit airenge kiton Tennessee ka aiboisio nuegelegela.

Abeit cut etogogongo Ejakait Edeke. Inyobo ibu ijo koany, atibong na? Ijo ibu koany etunganan arai bo ibu ijo koany Yesu, Yesu itogogongoori Akekirot?

Itaabalan lu lueperete kane, naperoko ainyonyoikinio na ejai mamaka, edokokini eong akakanin mama ejaas itaabalan lu, elipite ebe Edeke Lokapedor kere...Abakai ebe, "Apotu koyanganasi itaabalan, arai goen kakuan naka Paul."

Ejaas ne luatwakitos, ido etajaruni. Ejaas ne ngul luajaas toma akangasia, idicaritete, angaleutu. Ejaas...

Aseseni eong amucalat Wilson ebwoi kane, nabu, pac, nalelete aokot aapikin atwanare, kede elweera, ikar kau. Ejai ngin ne atibong na, mam imurok apotu koinakisi nges idiobore kidimarai isawan idis bon aijar. Ngesi na ebwoi kane atibong na.

Airimor kere, kotoma kane, ingwalasik, imudukiok, luilejekekas, kotoma otaadan luka adek ka nginibore kere ebwoete atibong na kwape abokon nuejarete. Inyobo ngin? Ejari Yesu Kristo, Ngesi ngopengol bian, lolo, kai ikar kere.

140 Etunganan loainakini ajenanut, ipak edit kau, naikamunit nges kokwap kangina, loajaatar adek naka ailonor, loajaatar ngin ikar ngul kere, ka nginibore kere, ido apak adiopet bon kotoma airiamun. Ido arai nen nepetai, aapikin ikar akaisaarei kau; mam nges ejaunar kede aijangaret ageun. Erai ngol ediopet kotoma olukumin luka itomoneta

Erai Ngesi eketangalan. Amen. Itangali Ngesi. Kwana, mam ikerepikini. Bon, kede aiyuun bala naka ikoku, kiteluo Kalvari. Ogolok akonikonye kimurwok bala mam ijo ijai oyekalu. Ogolok akonikonye kimurwok bala emamei idiotunganan kosiepikon, kosodi aiteluor neejai Yesu kosodi aanyun. Kiteluo neejai Yesu kwana kosodi aijar.

Iwadikatai toma Akirot, aleluia!

Erai bon ebe oni "angolia kasodete aijar."

Oo, "Ongolia kosodi aijar," onaceka, kojar,

Kiteluo neejai Yesu kwana kosodi aijar;

Iwadikatai toma Akirot, aleluia!

Erai bon ebe ijo "angoliar kosodi aijar."

Ogolok akonikonye mama ejai etunganan. Ogolok akonikonye mama ejaas iboro luka osiepikon. Kosodi aseseni kotoma aiyuunikon, neejai Yesu Kristo, kosodi ajenun, ebe, "Aponi Nges imusungai kanuka epaliwok; imacariniKe kes itangaleunete oni."

141 Ejakait Yesu, kwape ilipiata itunga, ido, idokokitos akecekanin neejai idiopet kayenice. Ido irai isio... imisiikinit ebe ibwoi isio Akonyen nuka Yesu Kristo loejari, loitajarunitai, kotoma ojutene loka Emoyo Lokalaunan, epukonokini isio aiyeiyea naka itauonokosi, aitejenun mamakosi ipudesiakosi, ka aisumunikin isio ebe einakini Ngesi isio ipudesiakosi arai kiyu isio.

Ikiliok ka angor ibwaikinitos akeceomisio neejai idiopet kayenice. Ejaas ailip, naarai irai ipaupa luka Akabakanut naka Edeke. Irai isio inacan ka anacan luka Yesu Kristo.

Ido, Satan, ibuni isio mamakon kotoma ainingosit naka Ekiror loka Ejakait Yesu. Erai Ngesi Ekileng. Nges etubori awai adekasinei. Ngesi etubori awai abunokin. Nges erai Ekapikoron. Kwana iningi isio ijo, Kokiror loka Yesu Kristo, ebe kolom kinga kotoma otunga kalu, Satan!

Etodiari Akiror naka Edeke. Ekepari, elemari awai abunokin, elemari awai adek, kosodi ayangaun alakunio naitekooro. Ilipi ebe kodoik Emoyo Lokalaunan itunga lu, kosodi ainakin kes apedor naka aiyuun acamun ebe ejai Ajakut naka Kristo lokapedorosio kere ne kwana. Koinakinai ngin, Ejakait.

Etoroni eong nginidek. Etoroni eong aribasinei kere. Etoroni eong amamus aiyuun kere. Kokiror loka Yesu Kristo, kitodolik Emoyo Lokalaunan nualim eong, kosodi aitor toma aduketait koosodi alakun ngitunganan yenejai toma Ajakut naka Edeke.

Ikeutu akusikanin kuju kwana kosodete aitur Nges. Alimori eong yesi kwape lujjaas ejok ido kongaleete, Kokiror loka Yesu Kristo!



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7